

中華郵政特准掛號認爲新聞紙類

新村 半月刊

林漢英中



附文藝副刊

中華民國二十四年八月一日出版



總 理 遺 囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑

新村半月刊

第四十四期

目次

挿圖

時事要聞

整理全省警隊要點

陳濟棠

第三次告縣長書

林翼中

說經學與處世的關係

徐信符

改善鄉自治之芻議

陳其益

潮陽脞談

王達元

自治地政法令專載

各縣通訊

三所要聞

文藝副刊目次


祝 林太封翁錫三老先生八秩開一大壽序	吳祥壽
白雲詩存	劉秀中等
秋雨梧桐室詩選	康 庸
滴盧吟草	湛錫祺
升庭吟草	溫升庭
思家吟	陳若愚
吊澹江亡侄	潘仲傳
落花(十首)	盧幻禪
春風春雨春寒春燕	前 人
吊黃花崗	鍾振鐸
驛柳	李景銘
遊北平西山大悲寺	陳志陶

西潮晚景	前 人
夏蟬	陳啓彬
測量卽景	孔祥鶴
測量遇雨	前 人
送別	鍾觀丞
感懷	羅漢平
送友人北上	周頌垣
國難	張翹鷗
遊白雲山記	黃高壽
如此人生	鄭用中
傷心的回憶	陳 通

新村半月刊 第四十四期

四

廣東防空利器之一瞥



(一)



(二)



(三)



(四)

時事要聞——國內——

漢口江水昨晨峇退已漸平穩張公堤昨裂陷幸搶險迅速

漢河一帶村鎮被淹災民既餓且病待賑孔亟

河北省主席商震以長垣水災嚴重通電請賑

(路透社十九日漢口電)張公堤昨又有一部分崩缺，人心大為震動，幸當局施救迅速，始能反危為安，現在軍警千人將各防護漢口堤壩，急行築高，漢口水位今晨係五〇三尺，較昨日洪水高度約低七寸云。

(路透社十九日漢口電)漢市周圍村鎮，新遇水患，日有所聞，但被災者數目既繁，殊難特別表述，今日有外國人由重慶行抵漢口，彼謂宜昌下長江流域，已成汪洋一片，極目遠望，不見涯際，該外國人乘輪東下時在輪船上只望見山巔歷落，堤壩幾續，人獸均棲遲其上，瑟縮可憐，彼等命運，只有徐徐餓死，或被波臣狂捲而去，迅速致斃而已云。

仁愛善堂撥款十萬賑濟水災

指定以四萬元辦理本省各縣賑務六萬元賑冀豫魯蘇鄂湘各省災民

(廣州特訊)仁愛善堂前日下午五時召開第五次董事會議，出席董事陳濟棠、林翼中、張之英等數十人，主席陳濟棠，議決案如下，(一)本堂登接四會、廣寧、高要、高明、鶴山、三水等縣政府與地方各法團函報此次洪水汎濫，災情慘重，懇請撥款補助建築秋欄基圍，應如何辦理，請公決案，(決議)撥款四萬元，分配如下，一、以二萬元分發上開各縣指定以工代賑，建築秋欄及修復基圍之用，二、以二萬元分發上開各縣給予貧民，蓋搭蓬寮之用，(乙)本堂登接河北省商主席、河南省劉主席、山東省韓主席、江蘇省陳主席、湖北省何主任、張主席、湖南省何主席電報黃河、長江、湘江同時汎濫，災情慘重，請予救濟，應如何辦理之處，請公決案，(決議)撥款六萬元，由本堂派王副主任仁康、植董事梓卿、何董事輯屏、蔡董事昌、黃總務部長維齊、范倫施部長劍江、分赴上開各省會同各該省善團協辦賑濟，(二)據本港急賑隊報告，與廣寧昆連之屬西懷集縣此次洪水爲災，損失亦甚重，應否派員携款前往賑濟，請公決案，(決議)撥款二千元派員携款前赴施賑，(四)本堂征求社員，截至現在止，計繼續願意加入爲本屆維持社員陳翠甫等三人，贊助社員官其蘭等十一人，普通社員王國務等八百五十三人，茲遵章提請審核案，(決議)一律准予加入，(五)本年上半年財政收支請審查核銷案，(決議)推舉劉董事翰可、植董事梓卿、何董事輯屏三人負責審查。

○……………○
省府十萬圓賑款

○……………○
即將撥給各縣

又息，省府撥款十萬元，辦理各縣水災善後，已由民廳按各縣災情輕重，分配撥給，經擬具辦法，呈報省府察核，俟奉令，即可按照撥給，昨據民廳科長魏楚思談及此事，謂現尙未奉省府明令，故本廳一時尙未能遵行將賑款撥給各縣，大約日內即可由省府批示發還本廳遵辦，不再提出省務會議討論，以期減少手續，本廳俟奉省府明令，即行將賑款撥給各縣，至此項賑款用途，不外爲修葺、築路、修建秋欄、舉辦雜項，現已由治河會、民、建、兩廳會同計劃中，記者順叩以高要縣長代表日昨來省請願，請求撥給巨款賑災事，魏氏謂，此件本人未有與知，但余軍長昨曾有電來廳，請增撥高要縣賑款，已發電謂分配妥當，請逕呈省府辦理，又，此項十萬圓賑款，順德縣未在分配之列，該縣昨具呈來廳請求撥給多少，但現因分配妥當，難予變更，俟呈請省府察核辦理云。

何知重兩團叛變後貴陽省會宣佈戒嚴

(廣州特訊) 黔省部隊何知重部一，三，兩團因鬧餉變，本月十六日向鎮寧，紫雲移動，近已進抵距離桂六十餘里之洪水河一帶，軍委會據報，即飛電猶國材派隊嚴密監視，蔣介石並電召黔軍師長柏輝章赴成都，面授解決一三兩團變部隊機宜，據軍訊，軍委會以該兩團近已開至黔南，該處毗連滇，桂，湘，邊，因飭各省協助解決，昨已分令湘何，滇龍，桂李，白，黃等，飭派隊各

就省邊嚴密監視以期早日解決，又據貴陽快訊，筑垣自何部嘩變後，人心浮動，黔綏署對未諱變之黔軍各部亦極注意，爲鞏固省防，鎮壓人心，十八日特委九十九師長郭思演爲貴陽戒嚴司令，即日起宣佈特別戒嚴，以安人心云。

最近兩年半第一集團軍勦匪成績調查

勦匪四百〇二次斃匪二一五二人

第一集團軍各部隊由廿二年至廿四年六月，兩年半來勦匪成績，據省調查統計如下（廿二年）全年勦匪一百七十七次，獲匪六百卅一人，斃匪一千一百八十三人，傷匪八百廿二人，匪投降一百九十人，起擄一百九十二人，獲匪槍械八百四十六枝，獲匪子彈三千三百顆，（廿三年）全年勦匪一百四十九次，獲匪五百〇八人，斃匪七百二十六人，傷匪一百八十三人，匪投降四十五人，起擄八十六人，獲匪槍械五百九十七枝，獲匪子彈二千七百五十三顆，（廿四年）上半年勦匪七十六次，獲匪二百一十四人，斃匪二百四十三人，傷匪一百〇一人，匪投降廿六人，起擄一百人，獲匪槍械二百六十六枝，獲匪子彈二百三十二顆，總計兩年半勦匪總計四百〇二次，獲一千三百五十三人，斃匪二千一百五十二人，傷匪一千一百〇六人，匪投降三百二十一人，起擄三百七十八人，獲匪槍械一千七百〇九枝，獲匪子彈六千三百八十五顆。

一集團總部軍墾設計會昨成立

(廣州特訊)第一集團軍總司令陳濟棠以軍墾建設關係重要，故爲發展此項事業促進地方生產軍人生活起見，特組織軍墾設計委員會，專責規劃軍墾設計事宜，茲查該會現以籌備就緒，已于昨日正式宣告成立，全體委員同時就職，查是日下午一時該會設座總部洋花廳舉行成立典禮，計到參加者有總司令陳濟棠。參謀長繆培南。秘書長陳玉昆暨該會主席委員胡繼賢。委員馮銳。伍瑞華。翁式亮。伍蕃。雷鳴。陳應麒，鄧杰。李化。江茂森。黃冠章等。一時齊集，由主席委員胡繼賢領導行禮如儀，禮節如下，(一)肅立，(二)監督員就位，(三)委員就位，(四)向黨國旗總理遺像行三鞠躬禮，(五)監督員恭讀總理遺囑，(六)宣誓，(七)監督員訓詞，(八)長官訓詞，(九)茶會，(十)散會，時已下午二時，是日陳總司令濟棠。繆參謀長培南均有致辭，對於軍墾建設之重要性及其促進方法多所發揮，最後乃由胡繼賢代表答辭，表示全體委員當敬謹接受陳總司令。繆參謀長指示，努力幹去，務達發展本省軍墾建設目的，以期促進地方生產，改良軍士生活云，聞該會自是日宣告成立後，即日開始辦公，並定本月廿四日星期三召開第一次委員會議，討論今後一切進行事宜云，茲將該會組織章程錄誌如下，國民革命軍第一集團軍總司令部軍墾設計委員會組織章程，(第一條)國民革命軍第一集團軍總司令部(以下簡稱本部)爲設籌軍墾計劃，完

成軍墾建設起見，特設軍墾設計委員會，（以下簡稱本會）（第二條）本會由本部令派軍墾處處長。軍務處處長。軍需處處長。審計處處長。民生合作社經理。軍墾經理事務所經理。軍墾第一糖廠廠長。軍墾第二糖廠籌備主任及聘請高級專門人員若干員及委員組織之，其主席委員由總司令指定之，（第三條）本會秉承總司令之命，專任關於本集團軍一切軍墾設計及監察事宜，（第四條）以後關於本部之一切軍墾計劃及其辦理成績悉歸本會審核之，（第五條）本會每星期開常會一次，必要時得召集臨時會議，（第六條）本會開會時由主席委員主席，（第七條）本會應設庶務。書記等人員，暫由軍墾處酌派職員兼充，至必要時得由本會呈請另委人員負責專任之，（第八條）本會應需經費由會編造預算專案呈報本部核定之，（第九條）本會會議規則由會員定之，（第十條）本章程如有未盡事宜得隨時由會提議決定呈請修改之，（第十一條）本章程自公布日施行。

本省八月起試行徵兵制度

總部頒佈選送新兵辦法

全省選送一三五四六名

第一集團軍總司令陳濟棠爲試行征兵制，養成人民服役觀念起見，特舉辦各鄉每鄉選送總部新兵訓練處統一訓練，經訂定「廣東省各縣每鄉（自治區域之鄉）選送新兵暫行辦法」頒布，除兩廣

東省政府查照，及令知各屬部隊外，并通令各縣政府一體遵辦，由八月一日起，至十月二日止，各縣所送之新兵應一律送到廣州入總部新兵訓練處訓練，茲錄其暫行辦法，大要如下，（一）國民革命軍第一集團軍總司令部爲養成人民當兵觀念，作征兵之雛形起見，特決定廣東省各縣每鄉（自治區域之鄉）選送新兵一名，由區（自治區）選送，由縣彙送本部，以憑飭發編配入伍訓練，特訂定辦法頒行遵守，（二）就「廣東三年來民政概況」一書所載，本省現有七百七十三區，一萬三千五百四十六鄉，應選送新兵一萬三千五百四十六名（三）各鄉公所選送新兵以其備左列各項爲合格，一，須在該鄉居住三年以上，未曾當過兵者，二，年齡二十歲至廿五歲，（四）各縣公所收到各鄉公所新兵時，應招待一切，并榜示新兵姓名，送縣時在區公所開會歡送，以資觀感，（五）各縣新兵送到總部時，如經考驗有不及格者，交回原縣妥送回鄉，另選合格者補充，（六）新兵訓練處對於此項新兵，應優予待遇，其服役期限以一年爲期，期滿退伍，并給退伍証收執，以資保障，其自願留營服役者亦得延期退伍，但至四十五歲爲止，（七）此項退伍兵如返鄉自安生業，縣政府應飭屬保護，其在現役時，對於其家屬亦予切實保護及維持，以示優待。

財政廳決期七月底裁撤苛雜四十二種

財廳年來積極分期將本省所有苛捐什稅分別裁撤，以輕民負，查第二期裁撤苛什，經定七月

底前實行，裁台費坐厘共四十二種，財廳勸主管職員分辦結束，分別年期先後分令承商着手結束，茲將本年七月底前擬定裁撤之各項苛什錄下，省城玉石行坐厘台費毫洋六千二百四十元，南番布行坐厘毫洋一萬六千三百廿五元，省河機器燒煤製鱒台費毫洋七千八百元，省河南番土榨行台費毫洋三萬九千八百七十五元，省河磁器行坐厘台費費毫洋三萬三千四百元，省城醬料釐毫洋一萬九千八百九十元，省城玉器行坐厘台費毫洋一萬一千七百元，省城薯蕷行坐厘毫洋一萬三千廿二元，廣肇青磚行坐厘台費毫洋六萬七千一百七十八元，省佛銀業行坐厘毫洋十五萬七千九百五十元，省城金行坐厘台費毫洋一萬七千九百〇一元，省城珍珠行坐厘毫洋二千三百四十元，東莞炮竹行坐厘台費毫洋六千八百二十五元，東莞鮮魚行台費毫洋一萬四千六百二十五元，南番順內地炮竹行台費毫洋一萬六千九百六十五元，省河酸枝花梨紅木行台費毫洋九千七百五十元，廣肇蒲包行坐厘台費毫洋六萬三千五百七十元，省城鮮魚行台費毫洋一萬九千三百〇五元，省城花生芝麻行台費毫洋廿萬一千八百廿五元，江門鮮魚行台費毫洋一萬六千四百七十六元，省城楚贛炮竹坐厘台費毫洋四千八百廿六元，省城藥材行坐厘台費毫洋十五萬五千六百四十六元，省河荳務坐厘台費毫洋十九萬五千元，省河東西豬欄台費毫洋三萬五千八百八十元，省城鹹魚行台費毫洋五萬八千三百〇五元，省城檳榔行坐厘台費毫洋八千八百七十三元，省城玻璃鏡貨行坐厘毫洋一千

六百八十元，省城薄荷油如意油行坐厘毫洋一萬六千〇八十元，省河東莞草蓆行坐厘台費毫洋九千三百八十五元，省河餅爐坐厘毫洋八千五百八十元，省城金銀首飾行坐厘台費毫洋七千四百五十九元，省佛土茶行坐厘台費毫洋二萬七千〇八十八元，佛山運筆紙行台費毫洋三萬五千四百一十四元，廣肇惠紅磚瓦行台費毫洋八萬八千六百一十三元，省城什木行台費毫洋二萬八千二百七十五元，省河銅鐵行台費毫洋三萬三千七百一十六元，省城藤行台費毫洋一萬二千八百〇二元，新會葵扇行台費毫洋一萬四千〇七十元，石岐鮮菓行台費毫洋一萬二千八百八十元，省陳鮮菓鹹貨行台費毫洋十六萬四千二百六十八元，佛山新釘鐵行台費毫洋三千七百〇五元，以上共四十二種，年餉洋毫共一百六十八萬一千二百餘元云。

——國 外——

日本軍事教育總監眞琦免職後林銑將以軍權支配內閣

(路透社東京十七日電)日陸軍省因參謀部因眞琦總監去職之事，引起軒然大波，陸省少壯派軍官，將大舉更調，其數目約在千人以上，蓋少壯派之服務於陸軍省者，不下數千人也，此事發生後，外間尚無若何影響，惟部中人則甚爲不安，且有譏陸相林銑爲胆大妄爲者，據陸相表示，

爲軍權行使統一與利便起見，必須採此斷然手段云。

（路透社東京十七日電）陸軍省已明令免真琦大將之職，以杜邊大將充任，渡邊爲中立派之領袖，生於明治七年，本年六十二歲，陸軍大學畢業生，明治卅六年任步兵少尉後，任參謀部長陸軍大學校長，第七師團長，航空部長，台灣軍司令，昭和六年升任大將，現任軍事參謀官，爲人甚溫和，頗得人望云。

（東京十七日電）軍部強硬化之政策，因真琦去職之事，而更顯著，政府中人，對於此事，前已微有所聞，惟不料林銑決然出此，而竟能於一日之內解決根蒂甚深之少壯派也，據各方之消息，林銑第二步之計劃將實行以軍權支配內閣，而趨於獨裁云。

美將在各島建堡壘

目的在維持海上霸權防備日本

（華盛頓廿四日電）據非官方消息，美國政府正考慮當華盛頓海軍條約期滿時，將提議在太平洋之阿拉丁島見島及其他重要地帶建築堡壘，其用意爲防備日本，蓋海軍條約期滿後，日本海軍可不受條約之限制，而競爭擴充軍備也，政府方面已有明顯表示，聯邦政府對於維持太平洋上霸權之期望，務於短期內達到目的，雖國務院及海軍部不主張即時實行，而此種政策則終必實行云。

○各國競增海軍
為必然之事概
遲早問題

(倫敦廿五日電)海軍大臣昨在下院發表演詞後，一般人認英國有增建海軍之勢，郵報評論云，目下世界各國，無論英美法意日德，均感受條約限制之痛苦，而有廢止之趨向，英德海軍協定，已可見其端倪，故預料行將召集之倫

敦海縮會議，必無良好之結果，反足以促成各國廢棄海縮條約之決心，假使各項限制海軍之條約，一旦廢除，則各國必競增海軍，吾人對此殊有「世界往何處去」之感慨也云云。

英國海軍部擬定擴充海軍計劃

預算需時七年費一萬萬五千萬鎊

(路透社廿九日倫敦電)海軍當局，對於每日前導報所發表之英國海軍七年建艦計劃，既不証實，亦不否認，據每日前導報所稱，英國將於倫敦及華盛頓海軍條約告終後，由一九三五年至一九四二年間，撥款一萬萬五千萬鎊，建造現代艦隊，以替代現在舊艦，並謂該計劃有伸縮性，但其伸縮尤具可能，已現將詳細內容，通知主要海軍國家。

(倫敦廿八日電)每日導報本日發表英國海軍部增建海軍計劃之綱要，並謂此項計劃，將於七年内完成之，英政府已準備將擴充海軍之事，照會列強，惟此項計劃，只屬一種草案，相信將來尚須修改及增減，該計劃係在條約規定範圍內將

○目前各艦隊之每一部份，均從新改革，使陣容煥然一新，對於軍艦之建造，取輕捷堅固主義，艦身面積縮小，而戰鬥力耐航力及速率則增強，務使其成爲最富作戰能力之現代化軍艦，此種在計劃中之新建

設，最低預算，需費一萬萬五千萬鎊，擬建各艦之數目及其類別，大致如下！

(類別)	(隻數)
主力艦	十二
巡洋艦	十三
毀滅艦	六十三
潛航艦	二十一
飛機母艦	三

德國對外貶價售貨謀對外傾銷

募集傾銷基金十萬萬馬克

補助出口商之遭受虧折者

(廿三日柏林電)德國經濟部長沙赫特所擬定之對外傾銷計劃，規定募集傾銷基金十萬萬馬

克，以補助出口商人，此項計劃，經政府採納後，業於七月一日貼低施行，自七月一日起，所有德國出口商人，因在外國貶售德貨，致遭受虧折者，得按照法定比率，由政府設法維持，此項補償，係由貼現銀行撥付，出口商人，將出售貨物所收得之外幣，付入貼現銀行賬內時，即由貼現銀行撥付此項補償量，即在全國各出口工業所承繳之十萬萬馬克傾銷基金中撥付，至於補償金之比率，則由各種不同之經濟團體，依照出口商人實際所遭受之損失數目，詳細釐訂，並視銷售地點及貨物種類，而有不同，大畧言之，工業方面之補助金，係先照國內市價百分之廿計算，然後再分別情形給獎勵金，此項獎勵金，最高以市價百分之卅為度，最低則完全不給，是以最高補助金數額，約可當國內市價之五成云。

德國天主教堂舉行會議發表宣言抗議德國所採宗教政策

(廿一日柏林電)本日德國天主教堂，於舉行禮拜以後，誦讀主教會議宣言，內稱，關於德國教會所處地位，本已由教廷與德政府訂立教約，本月十七日，教廷機關報羅馬觀察報登載論文，陳述教廷方面之觀點，吾人責職所在，似應將此項觀點，曉諭各信徒，咸令知之，按希特勒曾約定尊重宗教信條，而天主教信教自由，又教育自由，復經教約加以保障，為此國社黨理論家羅森培所作反基督教之宣傳，及七月七日內長佛立克所作天主教徒，須一律遵守消滅生殖機能法律之

宣言，吾人實不能不表示抗議云，尤足注意者，本人主教會宣護反對德國宗教政策之宣言，同時各報則批露司法部命令，規定應儘量適用刑法條文，以懲治天主教之政治活動，以教士於宣教時散播或分發各項文件，其內容係議論國事政事，而足以危及公共安寧者，概處以監禁，按形法中，此項規定，曾經德國名相俾士來採用以拘禁天主教主教及牧師云，

(廿一日柏林電)本日德國全國各天主教堂，舉行禮拜時，一律宣讀德國天主教會議所發表之宣言，並朗誦七月十五日羅馬觀察報所登載之論文，此項宣言及論文，大旨係說明羅馬教廷對於德國宗教政策之觀點，對於德國新異教主義之宣傳消滅生殖機能法律，及各種以反對天主教為目的之團體及報紙，均表示抗議，接羅馬教皇特派駐德欽使奧爾色尼戈，昨日曾向德國外交部請遞照會，抗議德國對於天主教會所採取之宗教政策，本日天主教各教堂，集合討論應付辦法，德國秘密警察雖聞之，各教堂宣讀宣言及論文然未出而干涉，又教會將主教會議所發表之宣言，印成單張散發，秘密警察亦未予以沒收，

奧國復辟不成國內局勢仍甚混亂

希特勒已決維持奧國之政權

(維也納廿日電)奧復辟問題現因小協約國，群起反對，國社黨與社會黨之衝突日深，國內國

外形勢均感不佳，史泰漢堡親王之部下，竟又發生意見，故在短期內，恐難實現，奧國內部情形之變遷，達何程度，亦殊難斷定，蓋奧國每一舉動，均影響於中歐，而中歐各國亦每干涉奧國內政，無論何人，亦不能決定其前途之命運也。

（維也納廿一日電）史泰漢堡親王部下衝鋒隊領袖蘇巴氏，昨在道布祿城作公開之演講，謂國民對復辟問題，多數表示反對，而衝鋒隊中人，對於復辟亦不表示贊同，蓋防被人指摘為叛逆份子也，衝鋒隊之精誠團結，非任何人所能挑撥離間，倘有人欲加以利用，而意圖將衝鋒隊分裂者，則必自歸失敗而已云云，蘇氏此言，實針對副總理史泰漢堡而發，因史氏日前以衝鋒隊為擁護復辟之主力軍也。

（柏林廿一日電）希特勒接得奧國內部不穩之報告，甚為注意，駐奧特使巴本，已與希特勒會商，聞已決定維持奧國現在之政權，不主張復辟，巴本定廿二日返維也納與代總理史登漢堡會晤，又舒斯尼嘎之病情，此間所知者，謂其經過尚良好云。

菲律賓當局又藉口排華

僑胞被逐者二萬失業者三萬

（廣州特訊）西南當局昨日得接菲律賓濱被逼華工臨時辦事處來電云，廣州送西南執行部、廣東

僑務會、省、市黨部、各民衆團體轉全國同胞鈞鑒，年來海外華僑因祖國保護力量之不及，迭遭各地居留政府之驅逐與壓迫，此誠傷心愴目之舉，抑亦我華僑走頭無路之時也，殷鑒匪遙，不寒而慄，今者菲當局又藉口排華，非法驅逐我僑出境，流離顛沛，析蕩無歸，計被驅逐出境者達二萬餘，而被迫失業無家可歸者亦逾三萬，財產沒收，衣食無着，其悽慘情形，絕無僅有，懇望政府諸公火速提出嚴重交涉，並望全國同胞一致援助，以救我旅菲七十餘萬僑胞，迫切陳詞，不勝待命之至，菲律賓被逼華工臨時辦事處叩，寢（廿六日）

整理全省警隊要點

陳濟棠

(陳總司令在全省警衛會議之訓詞)

八日全省警衛會議開幕，陳總司令濟棠，親蒞會談話，對於整理警隊之要點，詳為指示，詞甚懇切，茲將訓詞全文錄下。

今日召開警衛會議，兄弟特將開會意義為各位一言之，我以為凡開一次會議，要有一次之改善，有一次之改善，即有一次之進步，在民國初年，本省民團辦理毫無成績，當時政府已覺得有整理之必要，但雖經過整理，而所得效果極微，越至民十七改為警衛隊，名目雖改而實際上仍無多大進步，為適應時勢要求起見，不得不認真嚴格整理，于是全省警衛隊遂于去年八月由省政府移交本部負責整理，今日開會，各位要將各地方之情形及人民之便利與乎警衛隊之需要切切實實提出討論，如經費之統一與否，各警衛人員之稱職與否，及其他關於警衛隊之事項，總要詳細研究，務求臻于至善。

兄弟以為整理警衛隊着眼點有二，一是在法，一是在人；第一點，法不可過繁，繁則擾民，要在法良意美，簡而易行，善法乃人民所需要，故一切章程條例應視地方情形而斟酌損益之，

以不擾民爲主，若法令與地方情形不適合，則科條愈密，人民愈以法爲病矣。第二點，關於人的問題，警衛隊範圍甚廣，用人自多，從前往往有將軍隊用餘之人員派充警衛隊官長，或賄徇情面任用私人，警衛隊腐敗之原因未始不由于此，以不勝其任之人濫竽充數，卽有良法亦難良效。以兄弟觀察，整理警衛隊首先注重用人，必有守法奉公，刻苦耐勞之人，不以艱難困苦灰其心，不以聲色貨利奪其志，方能爲地方做事，爲人民謀利益，不然，儘管今日開一會，明日布一令，而警衛隊之整理仍無起色，可斷言也。間有少數人對警衛隊不甚注意，視爲不足輕重，不願在警衛隊服務，此種心理尤屬錯誤，以此等人辦警衛隊必定無成績可期，大家要明白，警衛隊是自治之基礎，如果常備隊訓練完善，後備隊組織完善，地方自治就有辦法，政治就上軌道，因爲，警衛隊就是人民，訓練警衛隊不僅爲維持地方治安，且爲養成人民成年教育，訓練科目除軍事學，術科外，更要求人民得到公民常識衛生常識及農民常識種種，民族之能否復興，就以地方警衛隊之能否良好以爲斷。所以，兄弟希望大家對警衛隊組織及訓練，加以深刻注意，要求能負將來之重大責任，對於生產，衛生，交通尤其民德均有極重大之關係，如果人民道德不注意，社會危機卽隨之而隱伏，証以民十六共黨摧殘社會，極其破壞之能事，狂瀾澎湃，幾不可收拾，再查，民十三以後，苛捐什稅逐日加重，富者皆遷徙以避，貧者流離失所，地方事業無人過問，譬如人身

有病，衰弱到極，寒邪侵人，醫生手續除扶正氣使邪氣不能侵入外，實無辦法。現在辦地方事亦是如此，如醫病之扶正却邪方有辦法，大家能本此意去整理警衛隊，則解決方法思過半矣。

兄弟據各方面報告，各縣副主任與縣長多不合作，警衛隊進行因之發生阻碍，歸納起來，究因人事不妥，非關立法不妥，我見得各縣副主任多數缺乏政治頭腦，只知編練，地方財政絕不顧及，令縣長感覺困難，久而久之，遂生不合作等弊端，此次會議總要想法去解決，萬不能置而不理，關於所派督察專員，原意在乎督促及視察，爲本部之耳目，所負責任極大，如果一味敷衍，過舉客氣，警衛隊前途必不堪問，現在我國之衰弱就是從前負責者敷衍及客氣所致，兄弟以爲督察專員對所視察者須要如教員對於學生之考試，分數一乘至公，不能以人情參雜于其間，總要受良心之裁判，一洗敷衍客氣之弊，然後整理警衛隊方有辦法。

至於用人一項，設立訓練班以期造就多量人材，力求改善，使警衛隊深入民間去，與人民混合，各級官長尤要精神貫注，不能亂爲，而做事不忘系統，按級辦理，造成上下一心，則警衛隊收效必速，有人以爲經費無辦法亦屬困難之一端，大約經費統一之期已不遠，實不成問題，本部早已下決心，務求辦到將來警衛隊有善法，有好人負責辦理，實行徵調，則民族復興基于是矣。請大家注意，毋負此次會議之期望，完了。

第三次告縣長書

林翼中

（民政廳長林翼中以縣長爲親民之官，對治民之術，貴識機宜，以待子女之心待其人民，尤應民瘼在抱，視民如傷，時時親歷民間，周詢人民風尚及其疾苦，加以改善，救濟，庶可使人民親其親，樂其樂也。因特發出第三次告縣長書，誥誡各縣長勤求民隱，振刷庶政，原文如下。）

治民之術，貴識機宜，悍鷲之民，宜用干涉，樸愿之民，宜用勸導，民而樸愿，積習難除，如旱甚則求雨，疾病則禱神，欲其時和年豐，人畜安樂，則出於祈禱，類乎此者，未易悉數，此種舉動，在明達者觀之必斥爲迷信，必思爲矯正，然而彼蚩蚩之氓未嘗學問，以爲有雨無雨，天實主之，天久不雨，農作之物行盡枯槁，誠心以求，蒼蒼者天，或當立命雨使，甘霖早降，又以爲人畜染有癘疫，療治不能痊愈，殆天降之罰，故罹災難，禱之於神，亦窮則呼天之意也。又以爲人類一切禍福有物爲之主宰，欲謀福利，惟有豫求，旱甚而求雨，疾病而禱神，欲祝時和年豐，人畜安樂，相率而祈禱，皆由智識之未開，其事固爲甚愚，其情亦有可憫。我國數千年來，言天有行常，但盡人事，則禍福不由乎天者，惟大儒荀卿一人，其言曰，天行有常，應之以治則吉，應

之以亂則凶，卓識名言，獨經千古，苟卿而外，則無不謂天當畏敬，凡禎祥，妖孽，皆天心之表見，所謂神道設教也。古人所以若此者，殆謂天變不畏，則人言不恤，人言不恤，則絕無畏懼，宰治者將無從行政施教也。畏天敬天之思想，數千年深入人心，求彼蚩蚩之氓人人知天行有常，此在教育發達，民智已開之地，庶幾能之，若偏僻之縣，風氣閉塞者何能語此，地方官遇民間求雨禱神祈福之事，認爲妨害風俗，加以禁止，禁止不絕，強加干涉，彼蚩蚩之氓不以爲德，反曰，此地方官之莫知我艱也，甚且曰，此地方官之絕我希望也。前此頗聞有造謠甚激以過拂民情，其結果至于聚衆滋事者，各地方倘遇有類此之事件發生，在消極方面，應暫順人民之意，使民心安慰，積極方面，應因勢利導。何謂因勢利導，蓋教民以防旱，防水，與夫療病之法也。身爲地方官，不能使轄境之內風調雨順，民鮮疾病，方當深自引咎，而乃遇人民未能滌除舊染，從而疾惡之，是徒知責人而不知責己也。水旱疾病，人民之痛苦也。痛苦既至，而求所以免之，年豐人樂，人民之幸福也。幸福未來，而求所以得之，此皆人民之自謀，苟無大害，何妨聽之。魯人獵校，孔子亦獵校，讓變祈豐，昔嘗有爲民請命者，况僅人民自爲之乎，不寧惟是，人民因旱而求雨，因病而禱神，其痛苦已甚矣。地方官強加干涉，令其猝生恐怖，而無所控訴，是增加人民痛苦也。愛民者必不忍若是也。縣長爲親民之官，古所謂民之父母也。爲人父母忍見其子女之絕食

乎，忍見其子女疾病而不療治乎？必將求其豐食而安樂也。爲縣長者，以待子女之心待其人民，視官事如其家事，必不忍使其人民痛苦而無所控訴也。救災，療病，及年豐，民樂，皆縣長之職責，此在平時當有根本計劃，如廣造林，所以救旱，設醫院，所以療病，勸勤農事，盡心撫字，所以盡民樂，皆根本計劃也。各縣長關心民瘼，當時時親歷民間，周詢人民風尚及其疾苦，何者徐圖改善，何者設法救濟，何地可設醫院，又考求植物之所宜，人畜致病之原因，在在留心，興利除弊，而以廣設學校，開發民智爲其先務，勤勞既著，誠信斯昭，上下情通，令如流水，所謂信而後勞其民也。民親其上，雖勞不怨也。昔之賢明長吏，人民敬之愛之，有頌曰青天者，有稱之神君者，言其利物無私，如天也，聰明正直，如神也。現在各縣如於根本計劃尚未舉辦，應速籌進行，遇民間有新議等事，應如上所述消極，積極，兩項辦法，妥爲處理，毋涉操切，致滋事端，須知縣長於人民最親，一念之善惡，一舉之得失，皆人民禍福所繫，平時有視民如傷之意，則民之所至，心必至焉，能竭其心力，使人民解除一分之痛苦，則地方痛苦減去一分，使人民增加一分之利益，則地方之利益加得一分，無取空談，勿事粉飾，冀中職司民政，負察吏安民之責，獎懲有例，不敢自寬，敬布微誠，願共體斯意焉，此致口口縣長。林芻中。

說經學與處世的關係

徐信符

各位同事：

(徐信符先生講 范志雄 杜如明記錄)

貴所爲養成地方自治人才的機關，現在先把經書中所載的自治制度，略爲講述：周禮設六官之制，分治萬民，在地官內，設鄉大夫，遂設遂大夫，皆職掌民治，這便是我國地方自治制度之嚆矢。禮記載孔子說：「吾觀于鄉，而知王道之易易也！」是說明鄉治與國治的關係意思。唐柳子厚封建論說：「有里長而後有鄉大夫。清初顧亭林先生說：「小官多，大官少，國所以治，大官多，小官少，國所以不治。」此所謂小官，卽辦理鄉事，如鄉大夫，遂大夫的屬下里長。和三老等！我國古代的地方自治制度，大概是如此，迨後世社會變遷，一般人輕視此種制度，因而湮滅無存。晚近以民治較官治爲重要，故復有地方自治之說興。本省政府特設所訓練，農植人才，這就是正本清源的意思。

經書中所載的地方自治的制度，是這樣了，若單就經書的本身來說，又是什麼一回事呢，我國從前，一般先哲，談政治也好，談道德也好，都必宗經，及至民國以後，便有人主張廢經之說，結果：人心大變，社會上的風俗，弄到不可收拾，經過二十多年的教訓，因而具高遠眼光的

人，就覺得非復興經學，無以挽救人心，本省自陳總司令提倡讀經之後，各學校均增有設經學一科，近來，經學便漸漸的復興起來了。

「經學」是我國的國粹，其中的道理，本甚淺顯，經學和人們的關係，猶人們之于布帛菽粟一樣，布帛菽粟，本屬平凡的東西，然所賴以養活吾人，保存元氣止在此。我國民族性向來重信義和平，都是經學教訓的結果。試看一般老年人比之青年人的道德心較重，鄉村人比之城市人的道德心較重，也是這個原因。

經「本來就是史，中國有四千年相續不絕的歷史此是第一件光榮的事，隋代文中子說：「六經皆史」明代王陽明，清代章句齋與定菴等都是這樣說，何以故呢？我們試看看中國所以稱爲文明古國，因爲他有深長的歷史，但未始非經書之爲功，因我國古代的歷史，是完全載在經書裏面的。如世所稱六經：易經記載伏羲黃農時代的歷史，書經記載唐虞夏殷周時代的歷史，禮記記載周代的制度，詩經記載十五國的風俗，春秋爲孔子誅亂臣賊子而作，是記載春秋時代的歷史，樂經爲記載古樂的書，可惜失傳了，後世不得而見。而當周代以前，六經皆有職掌，如易掌於太卜，書掌于小史，禮掌于宗伯，詩樂掌于司成樂正，春秋掌于太史，分職台治，各掌一經。由此，可見「六經皆史」這句話是沒有錯的。

自孔子「刪詩書，定禮樂」而後，由是六經大備，「經」這個名詞，所謂「經者常也」便是至言六經的價值，其于人有何益處，孔子說過：「入其國，其教可知也」；「其爲人也溫柔敦厚，詩教也；疏通知遠，書教也，廣博良易，易教也；恭儉莊敬，禮教也；潔淨精微，樂教也；屬詞比事，春秋教也，」六經的價值，盡該于此。

孔子教人立身處世的，亦不外經書中的道理，例如孔子講學，弟子有三千七十之多，論語記子所雅言，詩書執禮，「這是教授門徒的方法，教訓他的兒子便說：『不學詩，無以言，不學禮，無以立，』至于詩禮于處世有何用處，孔子又說過，誦詩三百，授之以政，不達，使于四方，不能專對，雖多亦奚以爲——又言興于詩，立于禮，可見經書對於吾們立身處世有莫大的關係。

不幸至秦焚書，經書便散佚不全，及至漢代，儒學復興，設立諸經博士，搜求殘籍，再行修緝，因得垂經書的命脈于今日，惜各家互立門戶，彼此攻擊，競尚訓詁，不重實用，致失經書之真諦。然讀經者其受益處已不少，漢代有名循吏，多出於經儒，如黃霸貢禹等，皆對於經學有研究，東漢名臣，如鄧禹馮異等，皆能通一經，至鄭康成遍註群經，其詩箋禮注，今皆在十三經註疏中。可見其經學深到，漢書載鄭康成在鄉中，極能感格人心，人皆稱高密爲鄭公鄉，當時黃巾賊亂，相戒不敢入鄭公鄉，這大概是鄭康成的人格道德，平日得人信仰的原故。

觀上所述，經書並非迂腐無用的，秦焚書棄經不二世而滅亡，鄭康成實踐經義，却能感化貴山賊，足見經書實在有永垂不朽的價值，無論如何，都不能廢棄。

至于經的意義，不外「仁」與「禮」兩個字，仁存于心，禮行于身，身心間，有修養，有訓練，然後做事光明正大，可以感格人羣，這種道理，董仲舒所謂天不變道亦不變的。孟子說：「人之所以異于禽獸者幾希，庶民去之，君子存之，」就是因為人類有仁與禮的緣故，所以修己治人，便能別于禽獸。

「仁」是什麼東西，古語說：「仁者心之德愛之理，」漢儒解仁字之義說：「相人偶爲人，」大概仁字從二人，二人相竝即生仁，例如我們在輪船汽車中，彼此互讓坐位，或互談鄉情，便可以發生仁愛的情誼了。這點相愛的情，能大加擴充，就有許多的用處。孔子說：「汎愛衆而親仁」；「己所不欲勿施于人」又「己欲立而立人，己欲達而達人」孟子說：「老吾老以及人之老幼吾幼以及人之幼，天下可運于掌」此種推己及人，皆由相愛的同情發生，是即爲仁之精義，亦即今日合作互助之說，吾人倘能以愛己之心，推而及人，始初人人親其親長其長，擴充起來，便不獨親其親，子其子，更于肩連大匠之世，亦無難達到。

即如我國人口繁盛，由古迄今，歷經變亂，而人類仍能保全以至今日，皆因此一點仁愛之德

有以維繫他，近來有人以爲我國人口衆多，須提倡節制生育，這是錯誤的，須知我國人口繁衍，是由於宗法發達，本愛護同族的心理，因而敬宗睦族的觀念普遍，例如現在社會上有道德的人，都能夠聯絡同宗同鄉，若遇有嚴重的事情，不忍漠視而不救，這就是仁的效果，倘若人人都能如是，擴充以愛同類，那末；人口愈多便愈好了。

近世人心變異，有以爲敬宗睦族的觀念，很容易養成倚賴心，不應該有這種宗法思想，應該說愛社會愛人類。究其實我國固有的倫理思想，何嘗不是主張愛社會，愛人類，不過從推己及人做起，先從敬宗睦族，始演進而達「仁」的終點——即愛社會愛人類——這樣；才可把愛社會愛人類的觀念健全起來。

若說到禮字之「禮」——即禮法，因有禮，所以有上下尊卑之別，社會之安寧秩序，亦得賴以維持。一個人如果沒有禮，自然是沒有尊卑觀念，社會的秩序，便很容易給他破壞了。這樣，還行嗎？是以詩經說：「相鼠有禮，人而無禮，胡不遘死」就是說人類不可無禮。近世人心澆漓，報章上常見排斥禮教的人，說「吃人禮教」的字樣，究竟「禮」真是會吃人的嗎？不！古禮與今代不同，這是「禮制」的問題，不是「禮教」本身的問題，譬如往時的禮制，是以拜跪爲大禮，至現在經已廢止，改用鞠躬禮了。這即是禮記說：「禮時爲大」的意思，「禮教」的意義，是千古不變，但「禮

制」是要隨時代而轉移的，所以我們不要誤解禮的意義，不能把二者混爲一談。

禮是什麼，「禮者履也」易經履卦說：「上天下澤履，止乾下兌」君子以辨上下，定民志這便是制禮的意思，譬如國家頒行一種制度，如果我們以爲「禮教非爲我輩設的」而不去遵守，一定放縱混亂，這斷不容許我們有這種態度。所以國家禮法與刑法並重：「出于禮，即入于刑，」但刑章不可濫用，孔子說，道之以政，齊之以刑，民免而無恥，道之以德，齊之以禮，有恥且格，可見禮之作用很大了，又禮記說：「禮之於正國，猶繩墨之于曲直，規矩之于方圓」由此可見「禮」和「法」是二而一，是以吾人處世，固然要遵守法律，同時，亦不可反乎禮制的範圍。所謂「君子審禮，不可誣以姦詐」就是這個意思。

儒家所主張的，以經學爲原則，而經學的要旨，惟仁與禮，因爲有仁便有不忍爲的心，有禮便有不敢爲的心，人人皆有不忍與不敢的心，彼此互相親愛，互相幫助，便可禍亂不生，進而達到大同的世界，這便是經學的骨髓，經學的精神。

當昔戰國時代，百家雜出，攻擊儒家最力的爲法家道家，如申韓之流，譏誚禮是虛文無實用說「世有千金之馬，無千金之鹿」即以禮比鹿，以法比馬，以爲禮是沒有用的。爲政之道，應以法爲準繩，言德禮的人，很容易變爲姑息；惟嚴刑峻法，可使民生畏心，國家大治，究實其，則

大謬不然，試看看秦自商鞅以後，都以刑爲治國之本，及後濫用刑威，人民無一點親愛情義，結果竟爲陳涉吳廣之輩。一舉亡秦。由此可見，嚴刑峻法，亦何嘗有用呢？近世一般功利主義之徒，每以儒家「正其義不謀其利，明其道，不計其功，」之說爲遷濶，以爲經學所言德禮，不適于今日世情，這也是和申韓所見的一樣錯誤；孟子欲糾正這種錯誤的思想，所以對梁惠王問利國，說「萬取千焉千取百焉，不爲不多矣，苟爲後義而先利，不奪不厭，」正足爲功利主義者的當頭棒。

道家和法家的立場不同，主張亦異，而他的排斥德禮，更爲陰刻，法家像不更事的少年，道家也像閱歷太深的老人。道家排斥法家說：「民不畏死，奈何以死懼之」同時也排斥儒家說：「道德不廢，安有仁義，毀道德以爲仁義，聖人之過，又言剖斗折衡，而民不爭」，這真是廢話，試想：有斗有衡，人民尚且爭執不已，倘若把斗衡的制度廢掉了，當然更爭得厲害，可見這句話是說不通的。○至以爲「大道廢而後有仁義」「道可道非常道，名可名非常名」又「玄之又玄衆妙之門」——這種幽玄的說話，全是出世的態度，彼深痛世人奸詐，以爲不能如上世的人純樸，言之太激，並將德禮亦以爲無用，像老年人追想嬰兒時的快樂，深斥壯年而後多般煩惱，試問：時不我與，時乎時乎不再來，那裏有返老還童的道理，這種空想的消極的人生觀，當然也是不對的。

海通以後，外國文化侵入中國，一般好奇立異的人，每引用種種的學說巧爲附會排斥儒家，

以致今日中國社會現象，愈弄愈糟，須知經言當軌，萬事萬物不能離乎經的道理，制度可以時時變易，而道義却永不可變的。吾人立身處世，倘能夠堅持着一定的宗旨，能修己方能治人，素其位而行，窮則獨善其身，達則兼善天下，當然會得到有成功之一日，我們無論在朝在野，在朝的時候，固然可以實現我們的主張，就是當在野的時候，好像各位在地方上辦理自治的事務，亦可以本着已欲立而立人的態度，以實踐經學的道理，猶如范文正公爲秀才時，「先天下之憂而憂，後天下之樂而樂」以天下爲己任，千古共贊美他，若各位能本着這樣可欽敬精神去做人，雖是在野，而非在朝，亦不難把今日社會的頹風敗俗挽救起來。是以實踐經義的道理，不論在朝在野，都有同樣的責任，立德，立言，立功，三者是一樣重要的。

現在正當經學絕續存亡之秋，挽救這個危機的責任，是在各位的肩膀上呢。

（完）

改善鄉自治之芻議

陳其益

地方自治，以縣爲單位，縣之下有區鄉里鄰焉，是鄉自治者，實地方自治之樞紐也，在各級自治中，佔有相當之重要。夫鄉自治辦理能完善，則縣區之自治推行自易，而里鄰之自治實現不難；否則上下各級，必受連帶之關係，而整個地方自治，終難得圓滿之結果。查現在各縣之鄉自治，多數是有名無實，公所無固定之地址，鄉長無相當之人員，款莫能籌，事不能辦，告朔餼羊，敷衍塞責，長此以往，何堪設想！茲就管見所及，亟應改善者，有下列之四點，謹分別言之：

一、地域宜擴充 修正縣地方自治條例第五條之規定，有「積四里至十里爲鄉」，但是十里之地域，未免過小，况有不足十里者乎？蓋地域過小，則籌款必難，籌款既難，則自治範圍應辦之事，殊難興辦。且地域過小，人材每因而缺乏，選舉鄉長，自難得相當之人員，如是而欲求鄉治之成效，豈不莫莫乎難哉，故謂地域之宜擴充者此也。

二、經費宜增加 查各縣鄉自治機關，因地域狹小，籌款維艱，每多因陋就簡，對於公所公費，鄉長俸馬，異常微薄，間有完全無有者，雖云辦理地方自治，係屬名譽職，但斷不能枵腹從

公，而吃虧太甚，若家計餘裕者，尙無問題，而家計清貧者，則不堪其苦，故鄉長一職，多不樂就，而願就者類多貪污之徒，藉地位以欺詐鄉民，流毒社會，反失自治之真意，故增加經費，津貼鄉長，爲不可少之要件，

三、職權宜尊重 廣東省縣地方自治人員保障暫行辦法第三項有「地方自治人員非依法不得逮捕審問或處罰」之規定，但各縣縣長對於各鄉長，多以委辦紳士之習慣相待，每於自治法規以外，多所責難，稍有應付不能，則拘罰有所不免，人格全失保障，所以鄉黨自好者，每視鄉長爲畏途，而貪污者遂乘時而起，甚至椎埋屠狗者，亦得濫竽充數，而自治之前途，遂堪聞乎。此又職權所以不能不要尊重者也。

四、人材宜訓練 孟子曰「徒法不能以自行」蓋謂有其法尤貴得其人也，上列三者，果能次第實現，當然能引起一般人民對於鄉自治之觀念，而競選之風以起不肖者莫能倖進焉，然猶恐當選爲鄉長者，其自治之智識未能充分也，必須設立縣地方自治工作人員訓練所，以栽培之。去年雖曾有訓練鄉里長之舉，但爲時甚暫，成效無幾，仍不如特殊訓練之爲愈也。

綜列以上四點，皆爲改善鄉自治切要之芻言，當局者倘能本此意斟酌而實行之，則鄉自治之成績，必有斐然可觀者，由是上而縣區，下而鄉里，必可同時健進，而整個地方自治之成功，當有不期然而然者矣，豈不善哉！

(完)

潮陽脛談

王達元

予以自治事，于役潮陽，都人士猥不予棄，相得甚歡。顧時時問吾有何觀感，吾欲一闕縣志，目前尚未可得，無以資參考，吾固無所知也，無已，則試就耳聞目見，關於士習人心，民生風俗，及民俗之衣食住行，諸大略狀況，而拉雜言之。其於自治之舉，或亦有多少影响，若政治方面，例不及言，亦君子居是邦之義，見仁見智，無容心焉。竟一日之力而草此，聊作晤語，邦人諸友，尙希諒之！（達）

潮陽與潮安揭陽向稱三大縣，而與汕頭商埠，爲聯筏地，凡新文化，新風氣，與潮安揭陽兩縣，截然不同，觀於其鄉，蓋可知也，入其疆，宗祠林立，棹楔巍峨，宮輔史臣，科甲聯魁，文宗台憲諸題額，屹然在目。仕宦人文之盛，自昔已然，會幾何時，而情形大異，蓋邦之人好守舊，而諸耆彥，世又以爲不合潮流，而獨善其身，不與聞時事。然則舍其舊而新是謀者，爲莘莘學生耳。全縣八十餘萬之人口，而中學三間，設備未能完善，校中生徒尤少，程度亦較不如前，雖甚熱心者主其事，亦苦於經費艱難，無所展布。其大學及歐美留學畢業者，雖有四五十人，除少數出外任事，餘皆賦閒家居，而此邦之人，反不甚重視之，而老師宿儒，世云以爲腐化者，而人心更

爲趨向，豈真好惡與人殊哉？蓋亦猶行乎古之道也。吾嘗見有年逾六十，而其師八十餘，有年近七十，而其母九十餘，師弟母子之間，白髮盈顛，而皆藹然秩然，禮儀未嘗或愆，用是爲鄉里矜式，蓋有由也。至其所謂紳士，可歸之於自治人員，蓋此輩爲官民之郵，而有其責者。然其人皆循循於軌道之中，而無敢踰越。蓋選舉事，有得必有失，而失之者或時伺其隙，故不敢不慎也。因而於政府維持大局，推行自治之深心，已有相當之認識。夫各縣自治人員，其居農村者，大抵箬笠芒鞋，不忘本色，而此則儼然紳士也。鄉里長，有書法較佳，文理較通者，此蓋三十以上人，或非最近之畢業生耳。自治人員與人民亦極平等，有事惟來請其前來，排難解紛，聽與不聽，一任其便，短衣赤足，亦分庭抗禮，蓋力矯向時豪劣之弊，而又過之。故自治規程之舉應辦之事，非有官方督促，亦無法可以便利推行，亦其失也。縣黨部參議會及各團體與自治人員，尙能一致調和，顧全體統，惟區鄉中仍有傾陷排擠之惡習。蓋縣人多聚族而居，大族強房，寡宗弱姓，界域頗深，或暗中破壞，或匿名揭帖，以僥倖其中傷，而總不外於嫉忌之一念，夫舉世之人，吾不能一一而嫉忌之也。而先欲剗及於吾鄉之人，吾宗之人，是何所見之不廣也。此亟當轉移而挽救之也。邑人曾爲百里侯者，民國來十餘人，而尙無以武功顯者。其在軍校畢業，亦多改就他途，一千夫長（團長）去歲死去。即投筆從戎，掛名尺籍者，數亦甚少，目今厲行警衛，居然武人

氣概，應隨時中做，無徒以衛民者擾民也。普通人，大抵安耕鑿而習賢遷，畏官府而守本分，即不肖子弟，失於教養，迫於飢寒，流而爲匪，勢亦不悍，究不如各處之兇惡，亦無如各處之有著名匪首，南山之匪亦盲從協從者耳。各鄉里能注重保甲以清其源，在此尤爲事半功倍，此邦士習人心之大略也。

潮陽向稱庶富，今則江河日下，自汕頭商務日益發達，而此間則日益凋零矣。人民有三五元購買力，亦群趨於汕頭，情形迥非昔比，而仍擁一富庶之名，譬之破家人，要保全往日體面，無乃太苦。邑人多商於上海及安南暹羅南洋等處，往年匯回之款，達數百萬，近因不景氣，年僅一二十萬而止，在外僑民，擁厚資稱巨富者，未嘗無人，如沙隴義英兩鄉之人，在上海開設典當，至九十餘間，然舍却鄉井。而樂不思蜀者居多，桑梓之地，父母之邦，何忍然若是，亟應鼓舞提倡，使之眷念鄉邦也。出產物品，雖有薯粉煙葉花生蔗糖柑子海味等，量數尙非大宗，潮屬有名之夏布錫箔，爲潮安揭陽所有。而此獨少，婦女惟織網巾，及刺手帕帷幙，聞係近年銷流出外之手作業，富戶則坐收租谷，惟納租多少，聽之佃人，不能稍有齟齬，即出售其田，亦先問佃人之是否承受。蓋農民已有堅決之團結力，彼不能田爾田者，祇有忍受其挾制。其中資之家，尤感痛苦。其餘則以小資本營小商業，幸縣屬有耕稼魚鹽之利，平承時生活尙無拮据，所產谷米，不過

六個月之食。尙缺半年之供，惟柴薪燃料，幾全數仰給於外，是可憂也。嘗行經其農村，瞻瞻土田，彌望皆是，其高亢者均掘地汲泉，用備旱魃，然其力幾何，每年仍甚缺水利。縣之水源，發自南山，疏濬而灌溉之，全縣之田皆沃壤矣。地雖平原，而仍岡巒起伏，應種松杉以備柴薪，似無有急於此者。金融乏缺，各縣所同，而此縣商店獨能自發紙幣，縣城與各區均有之，名目繁多，不能憶記，而權濟目前，縣內亦能通用。然究竟流弊滋多，是不可不取締之也。民俗冠婚喪祭，大半依於古禮，而婚禮多省去酒食，尤爲簡便，蓋戚友賀儀，代以銀幣，領其半而璧其半，答以謝東及肉一二斤而已，其餘亦少治宴飲。惟富貴家生日，較爲奢華耳。喪家仍有停柩之俗，而俗重風水，一坯之土，均有主名，必須承買，亦其因也。婦女知重節義，以再嫁爲恥，不得已而有入贅之風，近亦少矣。年來潮流所趨，而此間法庭，向無離婚案，邑無娼妓，歷來無所謂花捐，此固難能而可貴，然桑間濮上，近亦稍稍浸淫，應乘其萌而析之也。聞有一二庵堂，女尼數十，中有妙齡者，邑人熟視無覩，究不知其何故，此亦方便法門耶。俗尙虛榮，故歲時伏蜡，祭祀祖祠，皆尙爵而不尙齒，凡清明，端午，中元，中秋諸節令，關門休業，如過新年。迷信最深，每歲必昇神遊行，人家門前，凡驅邪逐鬼諸符咒，揭貼數層，如瘡疥驟起。然祇向神前求讖語，卜杯籤，買符錄，疾病，則終日禱拜而已，而道巫諸法則罕用。二十年前，物力豐盈，風氣閉塞，

每歲耗之於遊神賽會，謝天地及施孤魂諸事，每鄉每里輪流舉辦，耗費無算，舉國若狂，而今則亡矣。每年十二月廿四日，至正月初四日，縣城有擲石之舉，在西門外桂橋，分壘拋擲，萬人空巷，諸小販作業視爲大好推銷場，向來擲中死傷，安之若命。然亦少有死者，謂之神助。歷來官廳嚴禁，終不能止。謂無此則世亂年荒，有縣以來蓋如此矣。聞諸邑紳有欲倡峻法以澈底改革者，竊謂此當求之教育，不見今日之畢業生，使之跳舞則易，使之跪拜則難乎。是不可操切爲也。此邦民生風俗之大略也。

邑無蠶桑，女子亦少績麻，幸男婦多崇儉樸，而少習時髦，其衣裳楚楚，革履囊囊者，一望而知其有地位之人。然縉紳先生之徒，猶是大布之衣，大帛之冠也，老婦亦衣白衣，或荆釵裙布，而中年婦人，反不卸裙，衣多土布，然則日言提倡國貨，而此則庶幾矣。民俗嗜茶，杯如小蠶，屢飲不厭，向來烹茶，惟紅坭小火爐，今多用德國之燈，式如枱燈，內有機如風扇，能吸收烟煤，可烹物，可燃光，其價甚昂，上等百元，次亦三十餘元，可以久用。窮苦人家，亦未嘗食粗糲，然乞丐較多，濱海之地，甚饒海鮮，可謂山人足魚，各處有人種蠔而此縣且種蟹，亦奇，佐膳中有以荸薺芋苳諸蔬配成合餉，其味甚美，爲他處所無，蝦蜆等，醃醋生食，婦女多精製餅餌，品類不一，且多好食齋，每月十日或二十日，有一定程期。飲食之美，山珍海錯，此則兼而

有之也。民間住屋，多一連三間，中爲廳左右爲房，普通爲四合式，多砌花紋，鄉村之屋宇，勝於僻縣之市鎮，祠堂及士夫家，雖多舊式，而山節藻說，縷金錯采，其精緻當爲全粵冠。髹漆之工，尤勝於福州。嘗見一屏門，僅工值亦耗三千餘金，其地多石，門楣棖闥，皆石爲之，又於紳士家，見其花園，內有石山，占地無多，而饒巖壑亭臺之勝，十餘人入其中，而不見其踪影，鬼斧神工，疑非人力所造，亦奇觀也。凡是屋宇，前後左右皆開小溝，獨惜停蓄污水，臭穢薰蒸，蚊大如蠅，非十盞十決，講究衛生不可耳。縣城有馬路二段。近日接續開闢，毀瓦折墁，若決江河，工程迅速，此固當事者之辦理有方，亦人民之奉公唯謹。然拆卸後，有補直支柱，聊蔽風雨者，道路四達，交通便利。邑中無人力車，多舊日之肩輿。尤奇者，鄉村中必築有沙灰路，白虹蜿蜒，數里或十餘里，彼此銜接，越陌度阡，無須沾足，亦各縣所未易有也。

想改良自己的習慣，先要改造自己的頭腦，因爲行爲是思想的表現，思想是行爲的根據，一切不良的習慣，都是由陳舊思想造成的。

自治地政法令專載

●規定選送自治人員來省訓練辦法

廣東民政廳訓令 第二一二三號

令各縣縣政府

查本廳設立廣東省地方自治工作人員訓練所先後調遣各縣市區長副及參議員等來省訓練，無非爲普遍灌輸全省自治工作人員地方自治智識，增進辦理自治效能起見，惟查各縣市所屬各區，間有全不選送，或選送名額過多者，自應分別限制，以免有訓練不均之弊。(一)嗣非由本廳指定選送之縣市，不准擅行選送來所訓練。(二)各縣市所屬各區，其每區歷屆之區長副縣市參議員，及候補當選人，統計曾受訓練已逾三人者，不得再行選送。(三)各縣市所屬各區，如該區歷屆區長副參議員及候補當選人，完全未經訓練者，務須照章選送。(四)各自治科長員於選送時，務須計算程途，按照規定期間辦理，倘逾期報到，決不收受，以示限制。除分令外，合行令仰該長即便遵照。此令。

中華民國二十四年 六月 日

廣東民政廳廳長林翼中

自治地政法令專載

解釋區調解委員被傳出庭作証可請發費用

廣東民政廳訓令 第一一三四號

令本廳所屬各機關

現奉

廣東省政府民字第八八二號訓令開：

「案准國民政府西南政務委員會秘書處二十四年三月十四日第二三九號公函開，「前准貴府本年二月十九日民字第五五九號公函，關於區調解委員被傳出庭作証所需費用，依法得向法院請求，無須向原訴人征收一案，屬轉陳核復等由，當經奉諭，交廣東高等法院議復去後，茲准該院計字第八零零號公函開：「查証人到庭支給費用辦法，依修正訴訟費用規則第十五條規定「証人到庭費每次五角，因就訊滯留一日以上者於到庭外，另每日給以滯留費五角，至在途旅費，應按實數計算」此項費用，由法院命聲明人証之當事人預繳，於訊問畢後，發給証人領用，至刑事訴訟上之証人，除被拘提及無正當理由拒絕具結或証言者外，所得請求法定費用，亦依照修正訴訟費用，規則第十五條規定辦理，由法院辦公費內刑事出差旅費項下開支（參照最高法院解字第二二九號解釋，及二十年六月二十四日司法行政部指令山東

高等法院指字第一〇四九六號）本院歷經通飭各級法院遵辦有案，區鄉鎮調解委員既因被法院票傳以証人地位到庭質訊，似應依照，上項辦法，給予証人到庭費用，准函前由，相應函復貴處查照，是否有當，仍希卓裁」等由，復經陳奉 常務委員諭：「函廣東省政府查照，等因，相應函達查照，等由過府，查此案前准內政部二十四年一月三十一日民字第一七七三號咨當經函請西南政務委員會秘書處轉陳核示在案，茲准前由，合將內政部原咨及原附抄呈抄發，令仰該廳將即便飭屬知照，此令。」

等因，計抄發內政部民字第一七三三號原咨及原附抄呈各一件，奉此，除分令外，合將奉發抄件抄發，令仰該 即便知照並飭屬一體知照。」

此令。

計抄發內政部民字第一七三三號原咨及原附抄呈各一件。

中華民國廿四年 四月 日

廣東民政廳廳長林翼中

抄內政部咨民字第一七三三號

案據湖南省民政廳二十四年一月十二日呈，為據邵陽縣縣長轉據第十一區區長，准區調解委

自治地政法令專載

員會函，爲調解委員因當事人對於調解成立案件，提起訴訟被法院票傳出庭質訊可否向原訴訟當事人徵收旅費，以免損失，請察核示遵等情據此，查區鄉鎮調解委員會辦理調解案件，於調解成立後，因當事人之一方向法院進行訴訟，致原調解委員被傳以証人地位出庭質訊，其所需費用，依照民事訴訟法，第三百十條第一款「証人得請求法定之日費及旅費」暨刑事訴訟法第一百十四條前半段「証人得請求法定應得之費用」各規定得向法院請求，無須向原訴訟當事人徵收，致滋流弊據呈前情，除指令湖南省民政廳知照並分行外，相應抄同原呈一件咨請查照並轉飭所屬一體知照爲荷。

此咨

廣東省政府

附抄送原呈一件。

中華民國廿四年 一月 卅一日

政務次長代理部務甘乃光

抄湖南省民政廳原呈

呈爲呈請

核示事案據邵陽縣縣長起鴻呈稱案據屬縣第十一區區長周亞範呈稱案准屬區調解委員會起屏北函開前准函轉仰陽縣政府訓令奉湖南省政府地字第一零七號訓令開案准內政部咨開查前准江蘇省政府民字第三六四九號咨請解釋區鄉鎮調解委員會執行調解委員會之必要一案除原文(略)尾開原調解委員會自應遵傳出庭爲是等因奉此自應遵辦以符法治精神查調解委員會爲無給職既秉息事寧人之旨受地方之托出而爲義務上之調解法院傳喚係屬職權所在但調解委員不能因他人之事憑空受累折耗舟車旅費從何而出唯查公務員公差尙另有正式公費訴訟之証人鑑定人亦不因証人鑑定人而憑空受其損失有特別身份者並各從其身分給予使用區鄉調解委員雖不能上比官吏未必毫無費用現在生活程度日高舟車旅費每日最低需洋四元此種損失應歸何人負責國庫空虛司法費亦無餘裕可否向原訴訟當事人計日預先征收區鄉調解委員庶法院隨傳隨到並不避免抗傳之名相應函達即希查照轉請前途明白核示俾資遵循等由准此理合備文呈請察核轉請核示祇遵至爲公便等情據此查該區長所呈各節關係解釋法令縣長未敢擅專除指令外理合備文呈請鈞廳俯察鑒核伏候指令轉飭祇遵等情據此查核所稱各節尙係實情究應如何規定之處理合備文呈請

鈞部察核示遵至爲公便謹呈

內政部

中華民國二十四年 一月 十二日

湖南省民政廳廳長 曹伯聞(出巡)

第二科科長 黃松輔(代拆代行)

◎通令各測量隊人員須和平作業束身自愛

廣東民政廳訓令 第一三三一號

令本廳各測量隊隊長

查辦事固貴夫勤慎，行檢尤先宜端謹，本廳測量隊職員獎懲規則，經定此為獎勵之一，誠以各隊職員深入各鄉鎮作業，隨處與人民接觸，稍不自檢，必難得人民信仰，微特有關於個人聲譽，影響地政推行，尤非淺鮮。迺近聞各隊隊員於外業時，往往與人民發生衝突，雖曰人民不明瞭測量手續，而測量人員任事輕率，亦難辭其咎。須知本省地籍測量，原屬創舉，人民昧於測量登記利益，所在皆有，測量人員自應隨時詳加解釋，以免誤會。設若以為政府委派人員，任意妄為，肆行無忌，將以利民政策及以擾民，實屬誤公溺職。本廳主持地政，深冀早日完成測量地籍，以正經界，而便人民。尤望工作人員妥慎辦理，切實奉行。自此次通令之後，各該隊長務須嚴行督率所屬各員，和平作業，束身自愛，如有不法情事發生，一經查明，定予從嚴懲處！除分令外

台行令仰該隊長即便遵照，并轉飭所屬各員一體懷遵，毋稍玩違，切切。

此令。

中華民國二十四年 四月 九日

廣東民政廳廳長林翼中。

◎令知南海等縣市稅契處派員駐土地局辦理稅契

廣東民政廳訓令 第一三七〇號

令 汕頭市市長
南海等十一縣縣長

現准

廣東財政廳契字第三三三六號咨以關於已成立土地局各縣市應飭稅契處派員常駐土地局辦理稅契事宜，俾資聯絡一案，當經令行南海汕頭等十二縣市稅契處遵照辦理在案，除分令外，相應咨復查照，等由准此。查此案前據清遠縣土地局局長任英摺呈，當經咨請財政廳查照辦理在案准咨前由，除分行外，合將財政廳原咨一件抄發，令仰該局即便知照，并轉飭土地局知照。此令。

自治地政法令專載

四五

計抄發財政廳原咨一件。

華中民國二十四年四月

廣東民政廳廳長林翼中

廣東省政府財政廳咨 契字第三三三六號

案准

貴廳第一三七八號咨開：

「現據清遠縣土地局局長任英摺呈內稱：「查各縣業戶多持白契管業，積習相沿，未有投稅，依照稅契章程，必須先行印契方准登記，而杜弊端，職局自實施強迫登記以來，縣屬業戶，對於此種手續多不明瞭，每持白契來局聲請登記經由職局飭其先行投稅，然後登記，以符定章，惟各業戶均以既須先赴稅契機關投稅，及契照辦妥時又須前往稅契機關領回契照，然後再赴土地局請登記，深覺往返頻勞，且稅契及登記兩機關，詎離遙遠，兩地奔馳，尤不勝其苦，辦理以來，人民多感往返跋涉之勞，似於登記進行，及稅契收入，均受影響，若不酌量變通，予人民以便利，不特稅收難其暢旺，而登記進行，亦難收效，職體察情形，為謀登記人之便利，及增加省庫收入起見，擬請咨行廣東財政廳准予援照廣州市土地局辦理成

案，關於各縣稅契事宜，在各該縣土地局辦理稅契分處，或飭各縣稅契處派員常駐土地局辦理稅契事宜，並將舉辦土地強迫登記區域各業戶投稅之紅契，移送土地局辦理登記，似此辦法，不特人民可省跋涉之勞，且于稅契收入，及整理土地，均有莫大之裨益。」等情據此。查核所稱各節，似尚可行，現在南海台山新會順德東莞合浦茂名清遠開平高要番禺汕頭等十二縣市，經已成立土地局，舉辦土地強迫登記，應否在各該縣市土地局內，設立稅契分處，或飭各該縣市稅契派員常駐土地局，辦理稅契事宜俾資聯絡，而利進行，據呈前情，相應咨請貴廳查照辦理。」。

等由准此。當經令行南海台山新會順德東莞合浦茂名清遠開平高要番禺汕頭等十二縣市，舉辦土地強迫登記，應飭各該縣市稅契處派員常駐土地局，辦理稅契事宜，俾資聯絡而利進行在案。除分令遵辦外相應咨復貴廳查照為荷。此咨

廣東民政廳廳長林

中華民國二十四年 四月 九日

廣東財政廳廳長區芳浦

各縣通訊

靈山縣第二屆縣參議員舉行宣誓就職典禮

查該縣縣參議會第三屆縣參議員，經由縣府呈奉本省政府廳分別指定，並經遵照指定日期，於本月十一日舉行宣誓就職典禮。是日到會者，除全體縣參議員外，各機關各團體，各學校，均有代表到會參加，約共五十餘人。正午十二時開會，監誓員爲該縣縣長宋德培，訓以忠心努力於本職，與政府合作，以期促進本縣地方自治，自治科長王淵遠報告本縣地方自治概況，及最近工作進行情形，亦極詳盡，旋請各來賓先後演說，對於縣地方自治前途，期望頗深。至下午二時始散會。二時半互選正副議長，結果以劉祿坤當選爲正議長，陳起才，鄧業漢，當選爲副議長。聞該正副議長，均爲聲望素孚者，故地方人士，頗慶自治得人云。

高明縣參議會第三屆參議員開第一次常會情形

本縣參議會自去年十二月十六日第二屆第三次全體議員大會後至今業已半載該會第三屆爲廣續辦理起見又依照修正縣地方自治條例第十四條「縣參議會每六個月開會一次」之規定召集現屆第一次常會以符定章經於六月十六日舉行查該會此次開會一連四天議決要案多件閉會後經分別函送縣政

府執行矣

鬱南縣地方自治及農村教育消息

人口調查情形 本縣人口調查業經依期舉辦惟因各區鄉鎮公所經費缺乏兼之田畝調查同時並進辦理不無遲緩現民應派服務員余希正到縣督促故特加緊工作以期早日辦竣

參議會開第四次會 縣參議會自去年十一月舉行第三次會議後已逾六個月故該會特呈准於六月十七日召開第四次會議督以促各區鄉鎮早日成立調解委員會以期消弭人民訟累等要案多件

縣立一中改招師範班 縣立第一初級中學校設於縣城現以本縣師資人才缺乏特呈准本年度停招初中生改招鄉村師範生一班投考者頗為踴躍

喜泉農校有改省立訊 鬱雲私立喜泉農藝職業學校校址設於連灘市辦理以來成績頗有可觀惟因限於經費未臻完備現省教育當局以該校地點適中擬改為省立撥款擴充一俟日間黃廳長麟書到該校視察後即可實現云

海豐縣考核區鄉鎮長成績

查該縣第三屆區鄉鎮長就職半年，對於工作進行，尙能努力，惟人品不齊，能力互異，應指導督促，方能同時並進，聞該縣政府有見及此，特派自治科長員，出發各區，召開區務會議，實

地查察，同時與各區鄉鎮長作個別談話，致核各個成績，以資督促云。

大埔縣第二屆縣參議員區長副題名

大埔縣第三屆各區縣參議員區長副及各屆縣參議員業經 民政廳指定茲將姓名照錄於下

縣參議員 張之甫 戴德珍 黃顯威 楊肖仁 張若愚 張淡初 賴淑周 范家樞 劉梓琴 鄭甘霖 蕭清如 楊輝生 余其鴻 郭志平 賴淑庭 梁子傑 劉梓謙 廖志明 劉理臣

各區長副 第一區正李其浩 副張鳴鏗 饒毅初

第二區正廖習之 副范壽康 鄭經雲

第三區正張一鳴 副羅淵史 李愚忱

第四區正朱百川 副劉璧曾 范少樞

第五區正何文史 副羅潤年 藍仲安

第六區正楊承芳 副楊如蘭 蕭毓華

第七區正劉雨生 副丘任平 廖元任

第八區正林希曾 副羅玉翰 黃玉川

參議員就職日期為五月廿六日各區長副就職日期為五月廿一日云

查第三屆參議員區長副及各候補參議區長奉令選送入廣東省地方自治工作人員訓練所訓練者已有候補縣參議員劉雪痕第三區正區長張一鳴候補區長李雅文第七區副區長丘任平四人云云

涼山縣自治科擬訂區鄉鎮自治公約參考資料印發各區鄉鎮公所參閱

涼山縣各級自治機關組織成立以來，業經三載，對於訂制區鄉鎮自治公約一項，亟應從速訂定，以資區民共同遵守，現該縣自治科科長杜世珍為使各區鄉鎮長副明瞭便于訂制起見，特依照自治公約制定辦法大綱，擬就區鄉自治公約參考資料一份，印發各區鄉鎮公所參閱。現各區鄉鎮長副紛紛依照參考資料，及根據地方情形，人民風俗習慣，擬就各該區鄉鎮自治公約草案，提交區鄉鎮務會議審查，提出區民代表大會決議，呈請政府核準備案後公佈施行云。

中山縣自治科劉君逸平編輯地方自治法令便覽

中山縣政府自治科職員劉逸平，係本省地方自治人員養成所畢業學員，對於地方自治理論及實際，均有相當研究，現將最新頒布各項地方自治法規，暨彙集由二十年七月起至本年五月止，所有關於地方自治解釋之命令，加以整理，分別編成地方自治法令便覽一書，內容極為豐富，足資辦理地方自治人員之參攷云。

三 所 要 聞

自治所暑期下午休課

自治所參議區長各班，原定上下午均有功課，惟值炎暑，學員上課，殊感辛苦，自七月二十九日起，已實行改變辦法，所有各科均在上午上課，下午則行休課云。

自治所各學員組織游泳隊

現值暑期炎海迫人，學員上課，殊感辛苦，自治訓練各班所有各科，均改在上午上課，下午休息，藉資避暑，惟在所內無適當娛樂場所，乃組織游泳隊，每日下午由管理員率領到粵秀湖游泳，已可避免暑氣，復可鍛鍊體魄，各學員均甚踴躍參加云。

自治所全體學員參加省會聯合紀念週

自治所素來對於黨義之灌輸黨員之訓練，向極注重，茲為使各學員對本黨有更深切之認識起見，特定於八月五日全體前往中山紀念堂參加省會各界聯合紀念週，俾各學員得親莊嚴偉大之氣，益堅其信仰之心，此事經訓育處通告各學員知照云。

自治所各學員定期參觀各大工廠

自治所第四期參議班暨第十二期區長班學員，行將訓練期滿，特定於八月七八九等日到各大工廠參觀，俾各學員得知本省施行三年計劃以來，各種建設事業之突飛猛進，並增廣見識，開屆時由管理員率領前往云。

地政所暑期下午休課

現值暑期炎氣逼人，每當下午上課時，輒慵倦不堪，地政所為學年所限不能依照普通學校放暑假，但為學生休養起見，特規從七月二十九日起實行下午休課。

地政所學員赴粵秀體育會游泳

地政所學員年富力強，多好運動，訓育處為提倡體育起見，特每日派員率領學員前往粵秀體育會游泳，各學員中已深諳水性者，則作各式游泳，而初學者，則於水淺處時泳時輟，不肯示弱於人云。

地政所民衆學校行將舉行畢業典禮

地政所自辦理民衆學校以來，造福沙河各村鄉民子弟不淺，而莘莘學子亦頗發奮上進，計自

開學以來迄將六閱月，各課亦經授畢，現擬舉行大考，即辦理結束頒發證書云。

警官學員實彈射擊

警官學員持槍訓練，已得相當嫻熟，現經向總司令部領得子彈數百發，并已商備得軍校射擊場，定于本星期六由隊上官長統率全隊學員前赴該射擊場演習實彈射擊云。

敦請 陳總司令林主席蒞所訓話

警官第一期學員，行將畢業，現由 所長林翼中函請 陳總司令及林主席于本星期內擇一時間蒞所訓話，俾各學員得資觀感云。

警官第一期學員定期畢業考試

警官第一期學員，自二月十六日開課以來，瞬屆六月，現已定八月六日起至十日止，舉行畢業考試，并請 民政廳派員蒞所監考，考試後之一週，為赴本市各機關參觀之用，十五日舉行畢業典禮，同時發給畢業證書云。

文藝副刊

笑中

祝林太封翁錫三老先生八秩開一大壽序

吳祥喜

粵稽華封三祝。非道高者不敢繼承。天保九如。豈形下者所能比擬。是知立功立德。乃可壽世壽民。恭惟我

太封翁錫三老先生。慶衍南安。遠出西河之上。學宗東魯。隱居北海之濱。懷植性教。孝順聞於枌里。讓梨行篤。友恭著於尊棲。志在麟經。難遐逸才於帖括。偶干鱗批。懶投英物於藥籠。爐心如市之塲。召公割一隅之宅。寓意在阿之詠。武侯栽八百之桑。同表伯業之嗜書。經史外兼通術數。比鄭次都之勵行。名教中蔚起榮光。申屠觀勢而炳幾。少言得失。康節聆聲而燭亂。且慎行藏。修齊無愧刑于。鹿車鴻案。昌熾何難貽厥。麟角龍頭。階下芝蘭。雖不強於七貴。庭前五樹。却較衆於五臣。稱六逸而數苻。得一麴而心足。長君以樹人事業。期諸百年。華國文章。重於九鼎。中原逐鹿。亡秦之願已償。南服屠龍。復楚之師尙待。楊駿辭王璋而失望。愧露歸劉秀而成名。務觀從軍。並張韓而開府。少陵獻賦。躋契稷而登庸。報債不及五年。治行已加一等。雍無待拔。而豪惡自懲。魚不煩懸。而下僚咸肅。愛均趙日。澤比商霖。陳堯咨之稱賢。蓋由庭訓。柳仲郢之善學。自有家風。致爲相而親存。唐傳元振。稽封公而父壽。漢紀張輔。古亦如

今○謙何遜素○封翁則謙懷猶昔○儉德逾恒○祭遵罕御華衣○宗慤率嘗相食○季野四時之氣○獨受
春多○叔度千頃之波○交推量勝○親知避舉○不欲季方累元方○高士賦閒○寧教羊仲隨求仲○曾
參省已○忠於謀人○端木求仁○博於濟衆○分晏嬰之祿○續命有田○贈范叔之袍○通賓設驛○一
堂四代○韓愈及見其生蕃○五福兼修○蕭傲自喜其難老○應歲星以度世○因美意以延年○兼七十
而方孩○共稱人瑞○椿八千而始大○不羨地仙○茲者麥隴翻雲○爛卿雲之紉縵○秧針刺水○引菊
水以涵濡○維高嶽之降神○節弭大丙○溯良時於浴佛○賓接惟寅○旣應運而生申○合徵奇於亥
字○乃祝嘏者旁午○咸訪逸於酉陽○欽杖國之耆英○來躋堂之群彥○彭鏗斟桂○介巖壽以鴻年○葉
令飛鳧○會蟬聯而燕喜○酌鴛鴦於北斗○激風吹於雨天○喜等苦李寒桃○溢則成蹊之樹○恒絲庸
帛○叨緝補袞之鍼○頌柏情殷○自愧受辛之拙○傾葵心切○用抒字甲之誠○伏願西湖通仙○種得
恒春之樹○金門羽客○栽成益壽之花○長發古香○彌堅晚節○蘭陔養志○去乙魚常備於姜○竹史
紀年○書亥豕笑傳於晉○宜言飲酒○且徵白雪于眼前○歸欲乘風○願附青雲于膝下○駢陳纍積○
難盡獻曝之忱○鵠立詩成○小補引年之說○

南天開壽域○北海泛清醕○植桂流芳遠○還珠治績奇○降神維大嶽○浴佛溯昌期○孺仲增稱
父○堯咨信可見○門盈桃李樹○家在鳳凰池○氣吐風雲合○手揮日月移○棠甘桑野沃○椿老

菊簞滋。亥稱方增紀。庚郵偶報知。躋堂將獻岸。杖國值康時。樹雉彭鏗擅。飛鳧葉令遲。竊吻君子比。未拜犬人師。衣鉢希傳授。管蠡妄測窺。隨班歌燕喜。無計仰鴻儀。款展華身祝。聊陳黍谷詩。德音廣綠竹。心地種青芝。祇此修仙果。無須臣朔爲。

白雲詩存

憶晚遊白雲山

劉秀中

(一)

課餘飯後沙河遊。安步當車步步優。絡繹往還如逐鹿，何時披髮入山丘。

(二)

幾年未到白雲遊。今日重來已卅秋。謝氏店爲黃氏店。張家樓作李家樓。

(三)

陟彼白雲山。不見白雲起。安得乘長風。飛入白雲裏。俗塵我不染。曹由曾洗耳。城狐雖遍野。何不作樵子。

(四)

白雲山頂石巖崖。極目遙看珠海涯。羊城市上人徵逐。怎有豪情詩興懷。

(五)

能仁寺裏白雲間。日落西山尙未還。幸叩禪門隨我入。勞勞碌碌歎塵寰。

(六)

不堪回首望濂泉。滿目荒涼實可憐。古寺也隨塵世劫。獨留殘蹟聳山巔。

遊白雲山

(一)

高峯聳翠插雲中。滿目河山獨我雄。一覽縱橫皆入畫。三江水遠欲浮空。

(二)

極頂高瞻興正濃。萬山列拱各朝宗。仙門幾度烟雲繞。不愧嶺南第一峰。

遊白雲山雲巖寺

雲巖古寺別塵埃。霧繞雲山半未開。借問高僧諸勝地。指明方去雨初來。

遊白雲山

楊君輔

山水何奇得。尋幽此地佳。仰登千級石。俯瞰五羊街。身寄煙霞外。襟舒旅邸懷。倦遊天欲暮。飛鳥逐層崖。

一嶺名山在。沿途遊興欣。登峯輒造極。舉首欲摩雲。目既窮千里。神怡足十分。桃源真世外。梵唄半天聞。

遊白雲山

李常春

其一

層巒聳翠接雲天。結伴同遊興盎然。百粵河山橫半壁。三江流域海珠連。

其二

白雲寺倚白雲隈。陟彼崔嵬眼界開。水色山光觀不盡。鐘聲偏向耳邊來。

遊白雲山雲巖寺

前人

其一

怪石嵯峨體勢雄。雲巖古寺在其中。下臨溪壑疑無地。仰視峯巒接大空。

其二

白雲山上有雲巖。形勢天然地不凡。聞道鄭仙曾羽化。而今遺像尙莊嚴。

白雲卽景

李積之

久聞此地清心目。課後閒遊不計程。片片白雲迎面起。涓涓瀟水向腰行。數升古剎參差峙。

百級天梯左右盤。髻把香巾徐濯足。催歸頻覺暮鐘聲。

(三)

白雲山土水潺潺。空澗禪心點石頑。更好茶清香沁處。六根淨盡此中關。

步李穰之友兄遊白雲山原韻

虞清平

素仰白雲開勝境。今朝結伴勵遊程。沿途樹影交枝礙。半嶺濺泉倒瀉鳴。雅潔酒家宜茗酌。

清幽古剎纒愁縈。盤桓那覺來時久。訝聽催歸林鳥聲。

能仁奪白雲關。佛法無邊化石頑。步入禪關清淨地。頓捐俗慮此身閒。

和李穰之兄白雲開景原韻

成賢賓

(四)

峯山面目今方識。拾級循來路一程。道左洋房添點綴。溪傍古剎自崢嶸。白雲出岫非無意。濂水常流更有情。遊興未闌歸鳥促。啁啾想是送行聲。

(五)

峯城十里白雲山。古剎巍峨一兩間。暮鼓晨鐘發深省。喚醒人世莫偷閒。

(六)

白雲山上白雲飛。俯瞰羊城一望歸。此景此情能有幾。幾番回首復依依。

游白雲山

周頤臣

我在沙河東。坐望沙河北。忽然雲影開。瞥見山客出。尋幽訪前路。漸見神仙室。猿鶴避林幽。松楸夾道黑。捫蘿上層巖。攀躋殊費力。涉彼嶺壑星。不覺身近日。回首俯重巒。衆景迎眸入。冷冷濂泉鐘。嫋嫋月溪笛。泉冷石根寒。蒲青潤烟濕。我來訪安期。爲覓長生術。竟盡名勝區。獲此真靈跡。下巖撥雲歸。斜陽乘孤笠。

遊白雲山能仁寺書懷

潘仲傳

逃禪未必盡矯情。爲怕塵寰昧性靈。愧我名心灰不了。新愁舊恨一齊鳴！

遊白雲濂泉寺遇雨

姚瑞昌

課餘偶步白雲山。邃跡濂泉古寺間。暮雨灑余螺髻靚。晴霞映處佛頭斑。

唱酬有興類拈管。憑眺無端數倚欄。羨是羊城好名勝。携筇不負此躋攀。

遊白雲

何典五

課餘猶侶白雲遊。徑曲林深古剎幽。悟徹禪機痛海味。菩提功課證前修。攀蘿繞徑上高巔。俯瞰煙雲遍大千。家國興亡誰靡責。吾人須着祖生鞭。

遊白雲寺有感

賴謹臣

傍晚徐行與正濱。呼朋直上白雲峰。靈壇寂寂蒼烟靄。怪石巖巖碧藓封。尤洽真情真學問。關心民瘼大儒宗。倦遊對飲陶然醉。訪道無如效赤松。

遊白雲山濂泉寺

張式黃

一

課餘不了步濂泉。寂靜無聲戶未關。直向幽廊層次上。疑形佛像是神仙。

二

擬遊此地已多年。果似非凡別有天。寺佛空存僧跡遠。誰爲繼主奉香燈。

白雲晚眺

薛任康

濂泉移步過雲泉。直上高峯別一天。俯首遠觀新世界。清心參見舊神仙。晚遊破曉知康健。拾翠徘徊孰後先。有志幾人如爾我。能仁寺裏賦詩篇。

其二

課餘無事一身閒。喜與知交入野間。踽踽平原芳草地。登臨名勝白雲山。林中古寺迷塵跡。石上幽亭快畫欄。目極斜陽遊不倦。問僧何故閉禪關。

秋雨梧桐室詩選

康庸

(一)

我本負氣人。貧窮知勉力。文章須不朽。研鑽在晨夕。
獨學苦無聞。殘篇綴散籍。有志亦徒然。零淚長太息。

(二)

父老爲我言。舌耕堪得食。朋儔可切磋。教學亦相益。
聞言但徬徨。誤人難塞責。年少作人師。赧顏登講席。

(三)

忽忽歲月逾。星霜幾更易。流水惜年華。前程怕臆測。
丈夫當不凡。焉能困粉筆。典却家中田。梅州遠負笈。

(四)

問字任東山。兩年猶一日。化雨煦春風。師友過從密。
質疑復問難。敏討重學術。學海本無涯。敢云業已畢。

(五)

書生人所輕。落魄青衫濕。授徒苦生涯。辛酸如往昔。
秋月復春花。對景每嗚咽。男兒不得志。阮籍窮途泣。

(六)

羈鳥囚樊籠。思展凌雲翼。男兒志四方。慷慨辭鄉國。
自髮悲高堂。難期盡子責。亞弟亦飄零。嗚呼歎偏仄。

適廬吟草

湛錫祺

寄薛伯賢

風軟雷輕雨細天。午閒讀倦抱書眠。荷花日生須來住。無限青山待伯賢。

梅溪會景

梅溪三月雨如烟。細薄春衫鬥麗妍。一簇女兒闖巷去。誰家碧玉惹人憐。

病中聞齊妹天逝

縱橫無就空籌計。家世零丁漸冷涼。瘦骨支離歸未得。病殞消息兩茫茫。

(齊妹卒，家人密不告予，予病，亦秘不爲家人知，蓋兩恐傷其心也。後得鄉人來傳，始悉)

齊妹死耗耳！

窮况

綻袍崩帽寄伶仃。偌大乾坤沒處停。這那無成吾亦老。且留微命讀殘經。

乞丐

歌舞樓頭酒十千，可曾分念到顛連；許多笑罵閒消受，爲向人家乞一錢。

邀薛伯賢啖荔

懶掃飛花任作堆，乍晴天氣養莓苔；漫山荔熟紅於火，此日伯賢來不來？

飯後吃橙

疏老魚枯酒半觥，殘燈敲檝一書生；明朝還有何須念，剩有閒錢且換橙。

升庭吟草

溫升庭

暮春有感

滿院桃花數十枝。可憐春暮命如絲。殘紅落盡憑誰吊。祇剩空枝獨倚籬。

詠蝶

冒雨常穿錦繡林。平生慣把百花尋。何郎傅粉風流甚。葛老遺衣變幻深。

歲暮書懷

歲暮翻教惱煞人。星移物換又逢春。韶光虛度空遺恨。馬齒徒增老病身。

又

空懷壯志未能伸。淪落天涯又一春。歲暮思歸歸未得。夜深常爲夢纏身。

過西湖吊蘇小墓

覽勝西湖獨泛舟。蘇娘古墓尙遺留。可憐艷骨埋香草。青塚黃昏動客愁。

春興

淺碧深紅次第排。百花齊放趁春來。好花愛玩應須玩。春過花殘不再開。

其二

春回花意如人意。香氣隨風逐處來。興會正宜頻酌酒。閒愁消盡笑顏開。

思家吟

陳若愚

話別非難一寄聲。怕教覲面數郵程。千山萬水紛紛繞。一綫羊腸獨趨行。飽嘗窮巷庶人風。此日南來倍覺雄。一霎猿聲山萬疊。飄飄彷彿駕雲龍。夢裏依稀草滿池。家鄉景物記來時。門前新種黃瓜熟。一日千回探小兒。

終日昏昏少醒時。怕教清眼緊相思。誰知夢裏偏多苦。數把郵程計日期。
奚論夏雨與春風。苦煞方言兩不通。竊喜高眠床五級。免教下臥辱元龍。
萬卷書侯傲百城。十年立雪愧師程。而今翻憶龍田路。辜負初衷負笈行。

弔濬江亡姪

潘仲傳

東郊築將壇。元戎總師干。旌旗堪蔽日。壯士各跨鞍。戰鼓叮吟響。北伐不辭難。我充四連長。君任參謀官。一隸四軍部。一隸卅五團。先後北上去。相期挽狂瀾。苦辛何足計。志在誅神奸。戰平江縣。敵軍勢已單。再戰汀泗橋。敵軍胆盡寒。武昌無城不日下。詎意君竟沉痾死洪山。率部到南湖。(武昌城外八十里地名)逢人便問君行藏。報道新喪一參謀。濬江是名姓是潘。半疑還半信。涕淚復悽愴。同鄉雲逢誌。告君埋骨小河旁。紙錢灰。殘燭燼。一杯黃土太悲涼。憶君之生時。勸君之死後。繁華夢。且莫管。親老妻寡子稚最堪傷。距君死。不一月。我從江西敗北。狼狽逃亡。歷不少千辛萬苦。纔跑到故鄉。而今啊。依舊坐困名場。那堪悲君復自傷!!!

落花十首

盧幻禪

眼前世界盡繁華。國色天香漫自誇。從此紅顏傷薄命。一場光景似曇花。
聽得家童報道忙。踏花歸後馬蹄香。旋看地上鋪成錦。惱煞無情夜雨狂。

夜雨連朝不禁寒。東皇猶護一枝安。江郎夢後空留筆。卸却殘粧懶眼看。
枝枝憔悴費凝神。蝶逐飛花花逐人。萬點風飄無限恨。天涯何處認前身。
殘紅零落任高低。半逐溪流半染泥。極目簾前雙燕子。含花直上畫梁西。
嬾娜臨風柳絮狂。綠珠樓墜總心傷。長安望斷江城月。空負當年一瓣香。
記得冬歸春復來。一枝含笑倚窗開。黃鸝此日空啼樹。點點胭脂染翠苔。
回低首一傷神。淪落江湖萬劫身。獨坐闌闌春寂寂。滿懷離恨訴誰人。
默禱花神酒一樽。風光旖旎望長存。無端浙瀝吳宮冷。滿地梨花願閉門。
滿目屢氛願避秦。漁郎何事問迷津。鉛華慘淡隨波去。野水無言又一春。

春風

盧幻禪

釀成大地百般新。淑氣氤氳長綠茵。吹得上林花似錦。入簾驚醒畫眉人。

春雨

聲聲浙瀝綠苔新。萬縷千絲着草茵。蛛蝶停飛鶯不語。梨花滿地總愁人。

春寒

綠柳凝煙萬壑陰。雪梅開放滿園林。輕風剪剪妝台冷。惹得離人百感侵。

春燕

辛勤幾度感韶華。翅影欹斜伴落花。日暮東風惆悵甚。茫茫何處是儂家。

吊黃花崗

用墓碑浩氣長存四字作鶴頂格

浩歌長往樂成仁。氣撼山河泣鬼神。長此黃花三月麗。存留青塚吊千春。

自咏

我輩軍人裝束，大類牟尼子弟，因作此詩。

削髮三春道未成，情根深種慧刀輕。踏穿芒鞋崎嶇恨，扶短鐵杖難普生！半襲禪衣野雨冷，一肩襤被荒村行。牟尼當日戒生殺，我却何因重戰征？

夜行軍

古松夾道籠陰雲。何處雁聲帶雨聞。我亦天涯漂泊者。那堪夜入萬人墳。

荅榕江友人問歸期原韻

那計馳驅到幾時。滿膺孤憤不勝悲。任他鱸膾秋風起。歸路遙遙無定期。

驛柳

李景銘

鍾振德

前人

前人

前人

(一)

送郎此去各西東。漫管離愁無那風。春減綠肥鶯語怯。路遙馬瘦絮飛空。雙鷗獨借千條翠。割袂還愁兩眼紅。珍重聊歌金縷曲。滿懷心事句難工。

(二)

春風搖曳萬條絲。怕聽黃鸝低唱時。驛道依依愁揖別。征途漫漫忍分離。苦心常恐桃花笑。痴態猶憐燕語遲。底事那堪回首處。枝頭舞蝶最相思。

(三)

樹影橫斜有幾圍。河山如昨總依依。低徊省息相期遠。紅綠牽情事已非。憔悴方知梅更瘦。風塵始見雪添肥。壯遊如折蟾宮桂。又恐蒼頭作絮飛。

(四)

悵望長途路八千。年年飄泊果堪憐。幾多愁緒芭蕉雨。萬縷柔情畫閣烟。倩影怕教明月妬。夢魂常繞太湖邊。誰家玉笛聲如訴。吹送行人到客船。

遊北平西山大悲寺

陳志陶

映階青竹動。滿院白花香(時逢三月白菓樹花盛開故云)。到此生禪意。紛紛俗念忘。

西湖晚步

前人

古寺鐘聲響。悠然遠俗情。晚風波盪漾。心跡自雙清。

夏蟬

陳啓彬

韻姿天縱有靈根。吸露吟風吐屬新。不與世人爭口腹。明珠白玉比精神。不是不平始作鳴。處身高潔韻双清。綠楊堤畔風聲好。一路絃歌到武城。

測量即景

孔祥鴻

黯雲隨雨密。薄霧帶烟浮。嶺樹天齊合。孤峯水斷流。惠風吹四徑。甘露滴几疇。萬頃黃金穗。千畦綠滿洲。

測量遇雨

前人

白日當空掛。孤雲嶺上廻。山行逢暴雨。樹下遇奔雷。野徑泥途滑。歸林履印苔。微風吹麥浪。綠水泛江隈。

送別

鍾觀丞

其一

同窗同事兩年多。此日別離意若何。可惜駒光忙過隙。依然故我任蹉跎。

其二

羨君學富五年多。愧我虛生奈老何。爲問今朝優拙別。當初深自悔蹉跎。

其三

同來服務廿人多。獲得陞遷會幾何。畢竟學優方入仕。才疏那不怨蹉跎。

其四

優良精進別來多。技拙守株愧我何。詎是同途難一返。祇緣中道有蹉跎。

其五

改良社會責何多。其奈蒼生憔悴何。深慨前途荆棘在。祖鞭猛着莫蹉跎。

其六

惡潮怪雨迫來多。懣歎陸沉頃刻何。冀挽狂瀾誰作柱。乘風破浪莫蹉跎。

其七

整理土地收緊多。莫奈河山破碎何。完整金甌今既缺。重新收拾莫蹉跎。

其八

二 秋一日別離多。休唱陽關歌奈何。正是少年須奮力。黃金歲月莫蹉跎。

感懷

羅漢平

一 寒風瑟瑟亂離愁。屈指飄零又幾秋。那堪再看珠簾外。落葉飄飄逐水流。

二

世事年來日益非。人心蒼狗思離離。狂瀾已倒誰憐挽。荆棘滿途孰斧之。朽樑庸材冲梁棟。梗楠連抱作薪炊。烽煙遍野何年熄。一度清平樂業時。

三

迢迢萬里別離親。浪泊天涯不顧辛。涸跡汗泥騰不起。何年席幅使辭身。

送友人北上

周頌垣

天涯離聚嘆無常。絳帳重披日已長。過去世情知已厭。悔教名利累人忙。羨公法學淵源遠。笑我詩詞老興狂。手疊吟箋親送贈。最防別恨惹何郎。

其二

一帆烟雨別羊城。把袂殷勤問去程。此去定收新印象。他時何處話離情。路經華北心都戒。

人在天南夢亦驚。但願歸期能實現。免教同學候門迎。

送春

薛任庚

報道春從上苑歸。蝶蜂無數帶愁飛。離情叙罷方回首。怕聽鳩聲一路啼。
荒郊踏遍日沈西。一路殘紅沒馬蹄。幾次喚春春不返。杜鵑何必盡情啼。

國難

張翹鵬

極目中原遍楚歌。金甌殘缺痛如何。
胡騎馳騁妖氛熾。華胄凌夷血淚多。
欲覓小戶翻瓦礫。待將隻手挽山河。
將軍耽舞輕遼瀋。那管遺民尙枕戈。

遊白雲山記

黃高泰

時維民國二十四年六月十六日日曜日，早膳畢，天氣和，余與吳君鴻義遊白雲山。是山距本所四里，出所折東而行，約二里，抵山麓，截路有一白雲酒家，穿過之，左有別墅一間，清幽可愛；墅之側有濂泉古寺一座，余與吳君闖進，一行而出；寺之旁有濂泉，泉由山澗高瀉而下，潺潺有聲，澄清如鏡。徘徊俄頃間，即嚮石道而登，石道高且曲，行之者莫不作鞠躬盡瘁之態，歷

有十級，始達其巔。嶺之上有白雲山公園，園中花木修疏，但濃陰可以蔽日，設置石棧甚多，遊客抵步，無不憩息焉。旋又與吳君涉彼山巔，以遂其登峯造極，遊目騁懷之願。迨至矣，余與遊飛，如凌空之鳥，俯視睥睨，山上有古寺四座，鐘聲時聞，諒是信男善女，拜佛禱祝耳。舉目北望，珠江如蜿蜒狀，奔流入海。廣州全景，俯自可觀，所有樓宇亭閣，如勾心鬥角，逞巧獻技於山之之下，形形色色，無美不備，儼似一幅天然圖畫然，嘆哉觀止歟！余對吳君曰：「此山之景之美，曠昔某友經遊而告余者，誠不誣也。」吳君乃應之曰：「此山之景之美，苟無狎近廣州，以繁華之物質建設點綴之，則該山夙已蕪矣，我與汝夢不及也，豈有步抵於斯乎。」余乃恍焉！夫物之美者，非自美也，因人而彰者多矣。是時也，已「雲無心以出岫，鳥倦飛而知還。」乃相率而歸，泚筆爲記。

如此人生

鄭用中

踏人世途已經廿餘年，飽嘗了人生的鹹酸苦辣的滋味，每想及過去的酸辛慘痛，有如曾受十年徒刑的囚徒，提起當日被拷問受刑的戰慄！

「人生是痛苦的」，這句話大約不會有人反對，古往今來的人，無論是帝王，是貴族，是文人是老百姓，或是流氓乞丐，其於人生所感受痛苦的程度雖或有深淺之不同，但總不會全無痛苦，

那是敢斷言的。

茫茫人海，做人的方式至多，有些以這樣爲樂，有些以那樣爲苦，有些是在苦中求樂，有些是求樂得苦，但姑勿論是苦的，是樂的，而大家依然是一樣在做。我常細想：苦與樂是沒有絕對的吧？俗語說：「你看人好，人看你好，」真的，我時常都在感覺，「我的人生太苦了！而某人是多麼的幸福呵！」但是，在對方看來，反說，我是幸福，而其自己是痛苦，究竟誰是痛苦，誰是幸福，我們不必深求，但「易地則皆然」，事實未必有自己所想像的那麼好與壞，這是真的。

因此，我們可以釋然。處苦境固不必悲，處好境亦不必喜，痛苦原是人生的意義，全無痛苦，則不成爲人生，不會感覺痛苦，不是心死，便是麻木的人了。

「樂極生悲」，「苦盡甘來」，有時因痛苦可以造成你的偉大，使你在苦中得到無上的安慰。如屈原因被放逐而作離騷，司馬遷因陷腐刑而著史記，這是一例；耶穌之釘在十字架上，釋迦牟尼之出世修行，又是一例，前者是在痛苦中寫出千古不朽的文章，後者是甘受痛苦而救人救世。

是醉生夢死的人們，不必說了，若我們想體味人生的真義，想求自己的永生，非備嘗甘苦不可！非從苦中奮鬥不可！

傷心的回憶

陳通

四年前的這個季節，就是我在K N中學舊制畢業的時候，剛行過了畢業禮，因為經濟上不容許我，勾留在M城裡消費，所以便忙忙地檢束行李，於第二天晨光熹微的早上，搥別了同學，顧了脚伕一同跑回家中。

炎炎的夏日，太陽發出牠的威儀，異常可怕，一天到晚，一些涼意都沒有，悶得人人整天頭昏，汗流不止，

在這個時候，有錢的人，便終日計劃避暑的去處，那裡山水多清秀，多幽雅，那裡多風緻，多清靜，沒錢的人，爲了怕肚子的飢餓，雖然太陽怎麼的炎威，也只有硬着頭皮，曬在陽光之下苦力着。

S市是我縣裡最繁盛的商場，水陸交通，都算便利，但年來地方變亂，市面驟形冷淡，加以什稅重重，弄得商人無從措手，爲期生意週轉靈通起見，於是各個皆大展商戰的手腕，端力拉攏顧客。

四年前的今日，就是我的叔父爲商戰而犧牲在炎威的陽光之下啊！回首當年，至今不禁潸潸淚落，思前想後愁恨相投，

在我剛進了中學的時候，我的大哥，便由南洋回來了，他是一個很自愛的人，從少不過在私塾裡念了幾年書，因為家中的貧窮，便輟了學，跑到南洋的舅父店中從商了，他在南洋約莫三四年頭的光景，不獨飽含商場的經驗，而且文字也大進步了，這次回來後，體察S市的繁盛，似有可營謀發展的希望，於是便在二三個月內，苦心孤詣，終日奔走苦幹，終於完成初願，開了兩間舖面，一間是首飾鏡畫舖，由他與我二哥料理，另外顧了幾個店夥，一間是木料舖，則由我的父親及叔父經理，也顧了六七個工人，新張大吉，算來兩店生意的旺相，也差堪苦心經營的慰藉了。

在這個時候的我，看見兩店生意的熱鬧，常一個人做歡喜，以為我的學業，從此便可一帆風順了，不期正當旭日初昇，光芒萬丈之際，忽地裡晴天霹靂，頓變了黑暗的宇宙，一切的一切，便在此黑暗裡由撕毀而滅亡了。

在某一個時候，G軍長的部下E營長，統了一營軍隊到S市來清鄉，一二日後，S市的西邊荒地上，便呈列了血肉模糊的死尸十餘具，這一場大的誅殺，可謂自有S市以來的破記錄，從此陰氣森森，沒有寧靜過一日，接連各地也發生不景，市面的生意，便因此而凋零了。

一年之後，眼見得市面一時難於恢復原狀，而且鄉裡紛亂得很，我的大哥，便不得不再度南國去經營，店中便轉由我的一個初涉人事的四弟去經營了。

困苦的年頭，也是一日一日的過去，在我的叔父去世的那年，已經過去三四年了，但兩店的結算，便虧去了一大筆款子，大有歇業之勢了，然而「春蠶到死絲方盡」非到萬不得已時，也惟有竭盡心力，經營下去的。

那時我由學校回來，剛才踏進了門首，最先出來接我的便是我的叔母，但她不比往日的喜歡了，似乎一些高興都沒有，在她的一付慘淡愁容上，隱約可看得見，淚水盈睫我雖然明白了我的傷心，但不知傷心什麼，一時又未便問她，於是只有呆立痴想，約莫經過了數分鐘後她才若斷若續的告訴我：叔父又跑到縣外的一個地方去辦木料了，因為暑氣逼人，他病後的弱體，又染了暑氣，苦病在該地了。

呵！叔父病了，而且病得沉重，他真可謂世界上最苦痛的人呵！從少就苦，苦到現在貧病交迫，因為商場冷淡，生意虧了不少的本錢，便日日愁眉不展，苦苦思慮，更兼身體的勞苦，因此積勞成疾，一病兩年餘，僥倖才從死去活來，身體尚未復原，便在此炎夏跋涉，那有不病之理，但處此債臺高築的生意，店租什稅，又刻不容緩，家中的用費，也需一筆款子，然則又有什麼辦法不出去呢？當時我的心便頻頻作痛，柔腸寸斷，忽然眼前黑暗成墨，在幕幕的黑暗裡，隱約着無數的猙獰臉面孔，白白的眼睛，射出殺人的光燄來。

數日後，由我的堂兄伴他回來了，但他的身軀已病得形同骷髏一般，青黃的面皮，凹入而無力的眼睛，真使人一見寒心呵！

他臥病在床上，完全失去了知覺，整天整夜地呻吟，大小便也不知道，我一看他骷髏般的身軀，滿含悲意的病眼，便不住的流淚，尤其是聽到他哀痛的呻吟聲息。

他雖然可說是完全沒有讀過書的人，但他極富於理智而事事，素性剛強不屈，但待人接物，却極禮讓，故村裡的人，沒有不敬服他，他對於古今史跡，亦飽藏胸中，每當茶餘飯後，月下燈前，講個不休，所以小孩們，個個歡喜他，喜歡他講有趣的故事。

就是四年前這個季節的六月某日，他竟一病不起，藥石無效，便長別了瘴惡的人間，我那時只有哀痛的哭哭，哭得兩眼漲紅，一切都在哀痛的昏朦中過去，僅記得他臨終時的一句話——
負我望——

流光如駛，現在他死去了四個年頭了，想他的身軀已變化為一束完全潔白的骷骨了。

一夜風雨，紅粉盡凋零，我自從K N中學畢業後，因此便沒有再進學的希望而漂零在殘酷的人間，漫嘗滋味了，數年來僕僕風塵，却依然故我，一點也沒有成就所有者不過年齒增了，鬚子粗了，此情此形，叔如有知，能不嘖嘖見怪嗎？寫至此不禁愧恨交集，酸淚如雨，流得滿臉模糊，偶然抬頭一看，見鏡中人，完全不是我了。

六月四日寫于九江上西鄉 風雨之夜